

講武全書

兵古十一

漢書門			
九	五	四	五
七	一	一	
三	一	一	
冊	架	函	號

兵古十一

內閣文庫			
九	五	四	五
三	一	一	
三	一	一	
函	冊	架	號

廿三

內閣文庫	
番號	漢 9545
冊數	30 (23)
函號	299 250



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



其占焦氏易林卷之十

觀之第二十二

觀歷山之下虞唐所處躬耕致孝名聞四海為堯所薦

禪位天子唐當作舜

乾 蛸飛蠕動各有所配歡悅相迎咸得其處

坤 繼祀宗邑追明成康光照萬國享世久長病疾不醫

下節萬蘆疑此二句

屯 秋冬探巢不得鵲雛銜指北去媿我少姬

蒙 僮妾獨宿長女未室利無所得

需 洪魚逆流至人潛去蒿蓬伐柱大屋顛仆

淺草文庫

訟 日闇不明說夫在堂右臂疾痺君失其先

師 王孫季子相與孝友明允篤誠昇擢荐舉為國幹柱

比 麟趾龍身日馭三千南上蒼梧與福為婚道理平易

安全無患

小畜 三子成駒折損轅軸輪載空輿後時失期

履 逐福除患道德神僊避惡萬里常歡以安

泰 黃池之盟吳楚爭強勾踐為患夷門不安探穀得蠶

所願不喜

否 青牛白咽呼我俱田歷山之下可以多耕歲藏時節

人保安寧呼我句一作招我于田

同人 有頭無目赫粟又一作不見粟消耗為疾三年不復

大有 山沒丘浮陸為水魚燕雀無巢民無室廬

謙 高岡鳳凰朝陽梧桐雍又啣又奉又妻又陳辭不多

以告孔嘉

豫 鰥寡獨宿憂動胸臆莫與笑食

隨 躓馬破車惡婦破家青蠅汗白恭子離居

蠱 長女二嫁進退無羞逐狐作妖行者離憂

臨 人無足法緩行長姦地雄走歸陽不制陰男失其家

噬嗑 茹芝餌黃飲食玉英與神流通長無憂凶

賁 束竹無門西出華山道塞於難遊子為患

壽如松喬與日月俱常安康樂不罹禍憂
復探穀得蠶所願不喜黃池之盟吳楚爭強勾踐為患
夷門不安

無妄蝠螺生子深目黑醜離節祖就衆人莫取
大畜喜怒不時霜雪為災稼穡無功右稷飢寒

頤鳥升鵲舉照臨東海龍降庭堅為陶叔後封為蓼丘
履祿綏厚

大過黃離白日照我四圍元首昭明民賴其福
坎黍稷醇醲敬奉山宗神嗜飲食甘雨嘉隆獨蒙

時災不至

離禍不更生福過我里入門笑喜與吾利市

咸書卧牢門怵惕不安日不得闔鬼搔我足

恒春早崇華長女宜夫受福多年世有封祿

遯雍門內崩賊賢傷仁暴亂狂悖簡公失位

大壯心壯無良猖獗妄行觸抵墻壁不見戶房

晉膠車木馬不利遠賈出門為患安止不危

明夷家在海隅橈短流深企立望宋無木以趨

家人冬桑枯槁當風失道蒙被塵埃左右勞苦

睽過時不行妄逐王公老女無夫不安其居

蹇履泥污足名困身辱兩仇相當自為痛疾

解 精華墮落形容醜惡齟齬挫頰枯槁腐蠹
損 長生無極子孫千億松柏為梁堅固不傾
益 去辛就蓼毒愈酷甚陷井入坑憂患日生
决 行堯欽德養賢致礼英豪積聚國無寇賊
始 狗逐兔走俱入谷口與虎逢之迫不得去
萃 望尚陶衡太宰周公藩屏湯武立為侯王
升 清人高子久屯外野道遠不歸思我慈母
困 三虫作蠱削跡無與勝毋盜泉居不安處
井 疆作龍身進無所前三日五夜得其所欽
革 黃裏祿衣君服不宜淫毀滅常失其寵光

鼎 天所顧祐禍災不到安吉無懼
震 盤紆九回行道留難止須千丘乃睹所歡
艮 暴雪失國為下所逐北奔陰胡主君旄頭
漸 御駢從龍至霍華東與禹相逢送至于邦
歸妹 銅人鐵距雨露勞苦終日卒歲無有休息
豐 大夫失宜盈滿復虧成長之木盛者滅衰
旅 梅李冬實國多盜賊亂擾並作王不能制
巽 澤枯無魚山童難株長女嫉妬使身虛空
兌 天門冬虛晉季為災臆睽默蒼秦伯舜殃
渙 褰衣涉河水深漬衣賴幸舟子濟脫無他

節 推車上山高仰重難終日至暮不見阜顛

中茅 鼎易其耳熱不可舉大踞壅塞旅人辛苦

小過 四亂不安東西為患退身止足無出邦域乃得完全

賴其生福

既濟 班馬還師以息勞疲後夫嘉喜入戶見妻

未濟 積德不怠遇生逢時載善一作喜渭陽身受榮光

噬嗑之第二十一

噬嗑 麒麟鳳凰善政得祥陰陽和調國無災殃

乾 北風相牽提笑語言伯歌叔舞燕樂以喜北風亭羊

坤 甲戌己庚隨時運行不失常節咸逢出生各樂其類

達性任情

屯 破亡之虛神所憂衰進德無光留止有慶

蒙 注斯膏澤祈衛百毒防以江南虺不能螫

需 日月相望光輝盛昌三聖成功仁德大降

訟 大蛇巨魚戰於國郊上下濟塞衛侯廬漕

師 龍入天關經歷九山登高上下道里陰難日晏不食

比 絕無甘酸 沙漠北塞絕無冰泉君子征凶役夫力殫

小畜 關折開啓衿帶解墮福與善生憂不為禍

履 狼虎所嗥患害必遭不利有為宜以遁逃

泰 金精耀怒帶劍過牛兩虎相距弓弩滿野雖憂無咎
否 朽根枯樹華葉落未卒逢火焱相隨偃仆
同人 入和出暗動作有光轉運休息常樂允康
大有 國多忌諱大人恒畏結口無患可以長存
謙 天地淳亨六合光明陰序陽順厥功以成
豫 裸裎逐狐為人觀笑牝鷄鳴晨主作亂妖
隨 陰失陽復桀失其室相餒不食
蠱 蝟飛蠡動各有配偶大小相保咸得其所臨之
臨 鬼守我廬欲呼伯去曾孫壽考司命不許與生相保
觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身
剝 凶憂災殃日益明章禍不可救三都夷傷
復 長尾蛟蛇盡地為河深不可涉絕無以北悵然憤息
無妄 受我嬰女牽引不與冀幸高貴反曰下賤
大畜 鳧游江湖其樂其餌既不近人雖驚不駭
頤 明滅光息不能復食精魄既喪以夜為室
大過 奇適無偶習靜獨處所願不從心思勞苦
坎 葛藟蒙棘花不得寔說佞乱政使忠壅塞
離 鵲笑鳩舞來遺我酒大喜在後授我龜紐龍喜張口
超拜福祉

咸 搖尾逐災雲孽辟除洿泥生梁下為田主
恒 白鶴啣珠夜室為明膏潤優渥國歲年豐
遯 內執柔德止訟以默宗邑賴德禍災不作
大壯 犬吠驚駭公拔戈起玄冥厭火消散瓦解
晉 公悅姬喜子孫俱在榮譽日登福祿來處
明夷 鳥鳴捕斂長欲飛去循板上下適與風遇顛損樹根
命不可救
家人 折薪爇酒使媒求婦和合齊宋姜子悅喜
睽 隣不我顧而望玉女身多疣癩誰當媚者
蹇 遠視無光不知青黃雜續塞耳使君闇聾

解 尅身整已逢禹巡狩賜我玄圭蒙受福祐
損 遠望千里不見黑子離婁之明無益於光
益 斧斤所作瘡痍不息鍼口不施下即空室
夬 齊侯少子才畧美好求我長女賤薄不與反得醜陋
後乃大悔
姤 失儼後旅天門地戶不知所在安止無咎
萃 烏孫氏女深目黑醜嗜欲不同過時無偶
升 伯駕純騶南至東華求索車馬道關中止
困 二女寶珠誤定大夫君父無禮自為作笑
井 陽城太室神明所息仁者之君獨無兵革

革 反一作蛇為殃使道不通歲客甚少年穀敗傷

鼎 三足孤鳥靈明為御司過罰惡自殘其家毀敗為憂

漁次之

震 車駕兩鞞絕馬欲步雙輪脫去行至道遇害膠車乃駕

艮 鬱映不明為陰所傷衆霧麗集兵奪日光

漸 鸛鳩鳩泉治城禦災周公勤勞綏得安家

歸妹 名成德就項領不試景公蓋老尼父遁去

豐 一夫兩心岐刺不深所為無功求事不成

旅 羿張鳥號穀射天狼趙國雄勇敗於滎陽

巽 東家殺牛汚臭腥臊神皆西顧命衰絕周

兌 火起我後喜灸吾廬蒼龍啣水泉嘆屋柱雖難無咎

渙 桃雀竊脂巢於小枝搖動不安為風所吹寒心飄搖

常憂殆危

節 徒足去域飛入東國有所畏避深藏遠匿

中孚 璫英朱草仁政得道鳧鷖在渚福祿來下

小過 陳蔡之厄從者饑瘦明德上通憂不為凶

既濟 春桃生花季女宜家受福多年男為邦君

未濟 徑邪賊田政惡傷民夫婦呪咀太山覆顛

賁 賁之第二十二

賁 仁政不暴鳳凰來舍四時順節民安其居
乾 八口九頭長舌破家帝辛沉湎商滅其墟
坤 鬼守我門呼伯入山去其室家捨其兆墓
屯 日出阜東山蔽其明章甫薦履箕子狎狂
蒙 戴盆望天不見星辰顧小失大福逃墻外
需 兩輪日轉南上太阪四馬共轅無有重難與語笑言
訟 羊驚狼虎聳駭羣聚行旅稽難留連愁苦
師 梗生荆山命制輸班袍衣剝脫夏熱冬寒飢餓枯槁
比 鳥飛無翼兔走折足不常其德自為羞辱

小畜 條風制氣萬物出生明庶長養花葉壯茂
履 坤厚地德萬物蕃息平康正直以綏大福
泰 昴畢附耳將軍乘怒徑路隔塞燕雀驚駭
否 東風啓戶黔啄翻舞各樂其類咸得生處
夬 兩足四翼飛入家國寧我伯姊與母相得
謙 歲暮花落陽入陰室萬物伏匿歲不可得
豫 釋然遠咎避患高阜田獲三狐以貝為寶君子所在
隨 安寧不殆
鵲延卻縮不見頭目日以困急
秋隼冬翔數被嚴霜雄犬夜鳴家擾不寧

盡 班馬還師以息勞疲後夫嘉喜入室見妻

臨 老楊日衰條多枯枝爵級不進遂至摧墮

觀 順風吹火牽騎驥尾易為功力因惧受福

噬 六人俱行各遺其囊黃鵠失珠無以為明

剝 依叔墻隅志下心勞楚王晨食韓子低頭

復 三牛生狗以成為母荆夷上侵姬伯出走

無妄 鶴盜我珠逃於東都鵠起追求郭氏之墟不見蹤跡

反為禍災 外與中退舉事不遂舖糜毀齒失其道理

願 鴻鵠高飛鳴求其雌雌來在戶雄哺嗜嗜甚獨

炮鱉膾鯉

太過 寒衣涉河水深潰衣幸賴舟子濟脫無他觀之渙

坎 虎齧龍指泰山之崖天命不佑不見其雌觀之責

離 明不處暗智不履危終年卒歲樂以笑歌觀之

咸 三足俱行傾危善僵六指不便思累弟兄樹柱閱車觀之

恒 舍車而徒亡其駁牛雖喪白頭酒以療憂觀之

遯 折薪熾酒使媒求婦和合齊宋姜子悅喜觀之

大壯 夜視無明不離商賈子反笑歡與市為仇觀之

晉 徒行離車冒厭沈塗利以休居觀之

明夷作室山根人以為安一夕崩顛破我壺殮
家人東山西山各自言安雖相登望竟未同堂

睽君子在朝凶言消去驚駭逐狼不見雄英

蹇一作轉轉慎慎一作轉轉墳火燒山根不潤我鄰獨不蒙恩

解南山之蹊其人所遊德配唐虞天命為子保佑歆享

身受大慶復之此龍蛇所聚大小來處泱泱霈霈淡淡殄殄使我無賴

益旃裘若闔慕德獻服邊鄙不悚以安王國

夫光體春成陳倉鷄鳴陽明失道不能白守消亡為咎

大有之井

姤下泉苞稂十年無王荀伯遇時憂念周京無一作歸九

萃仁德不暴五精就舍四序允釐民安其居

升隨和重寶眾所貪有相如睨柱趙王危殆

困鳳生五雛長於南郭君子康寧悅樂身榮

井二人為旅俱歸北海入門上堂拜謁王母勞賜我酒

革女功不嘉逐憂除殃洿泥生梁下田為王

鼎東門之墀茹蘆在阪礼義不行與我心反

震鳧遇稻廬甘樂獲鮒雖驅不去

艮清人高子久屯外野逍遙不歸思我君母公子謁請

王孫嘉許

漸 讒佞所言語不成全虎狼之患不為我殘

歸妹 張羅捕鳩鳥麗其災雌雄俱得為網所賊 剝之歸妹

豐 安仁尚德東隣慕義來安吾國

旅 猾醜假誠前後相違言如鯁咳語不可知

巽 懷璧越鄉不可遠行蔡侯兩裘久苦流離

兌 伯氏歸國多所恨惑車頓蓋傾身常驚惶乃得其願

雌雄相從

渙 火乃相得乾無潤澤利少囊縮

節 君明聖哲嗚呼其友顯德之徒可以禮仕

中孚 騎豚逐羊不見所望徑涉虎廬亡豚失羊乾之

小過 玄黃虺隤行者勞罷役夫憔悴處子猥哀

既濟 右手掩目不見長叔失其所得悔吝相仍

未濟 免冠進賢步出朝門儀體不正賊孽為患否之

剝之第二十三

剝 行觸大諱與司命忤執囚束縛拘制於吏憂人有喜

中孚

乾 穿胸狗郭僵離旁奉天地易紀日月更始師之

坤 從風縱火荻芝俱死三害集房十子中傷

屯 北山有棗橘柚所聚荷囊載擔香盈筐筥

蒙 賈金贖狸不聽我辭繫於虎鬚牽不得來之否之革需

咸巽 之需

需 上下惟邪寡婦無夫欢心隔塞君子離居

訟 二人輦車徙去其家井沸釜鳴不可安居復之

師 蹇驢不才駿驥失時筋力勞盡罷於沙丘巽履之

比 明傷之初為穆出郊以詭復歸名曰豎牛剥乱叔孫

殷於空丘

小畜 天火大起飛鳥驚駭作事不時自為多咎

履 上與山連共保歲寒終無災患萬世長安

泰 日出阜東山蔽其明章甫存履其子狎狂賁之

否 龍馬上山絕無水泉喉焦唇乾口不能言訟之

同人 雄處弱水雌在海濱將別持食悲哀於心

大有 庭燎夜明追嗣日光陽軟不至陰雄生疾

謙 三婦同夫忽不相思志恒不愁顏色不怡

豫 鶴盜我珠逃於東都鵠怒追求郭氏之墟不見其跡

反為患災

隨 沐猴冠帶盜在非位衆犬共吠倉狂蹶足

蠱 黍稷禾稻垂畝方好中旱不雨傷風病槁

臨 雄聖伏名人匿麟遠走鳳飛北亂禍未息中損

觀 三母多福天祿所伏居之寵光君子有福

噬嗑 被服文德升入大麓四門雍肅登受大福

賁 褰裳涉河水流漬衣幸賴舟于濟脫無他觀之大過
復 班馬還師以息勞疲役夫嘉喜入戶見妻觀之既濟
無妄 東鄰嫁女為主妃后莊公築館以尊王母歸於京師觀之蠱

季姜悅喜

大畜 百姓俱行相輔為強三聖翼事王室寵光屯之履

頤 危坐至暮請求不得膏澤不降政戾民忒泰之離

大過 百川朝海泛流不止路雖遼遠無不到者頤漸之坎

坎 乘輜駕驪東至于濟遭遇仁友送我以資厚得利歸

離 禮壞樂崩陰請不當成子傲慢為簡生殃欲求致理

力疲心爛

咸 一人輦車乘入虎家王母貪饕盜我犂牛

恒 羊頭兔足少肉不飽漏囊敗粟利無所得濟之

遯 新田宜粟上農得穀君子懷德以千百福恒之

大壯 夷羿所射發輒有獲雙鳧俱得利伐王國

晉 鳧舞鼓翼嘉樂堯德虞夏美功要荒賓服

明夷 登丘上山對酒遇歡終年卒歲優福無患

家人 歲暮花落陽入陰室萬物伏匿藏不可得

睽 螟虫為賊害我禾穀簞瓶空虚飢無所食

蹇 陽虎脅主使德不通炎離為殃年穀患傷

解 四馬共轅東上泰山駢驪同力無有重難與君笑言

換之

損 牧羊稻園聞虎喧謹畏惧悚息終無禍患隨之漸井之否

益 陽花不時冬實坐危憂多橫賊生不能服崑崙之王
取求必得

夫 高阜所在陰氣不淋洪水不處為家利寶
釋然遠咎避患革害田獲三狐以貝為寶君子所在

安寧不殆
萃 兩目失明日奪無光脛足跛曳不可以行頓於丘旁
亡妾莫逐寃然獨宿

升 鴻飛循陸公出不復伯氏客宿中字之
佩玉纒蓋無以繫之孤怨獨處愁哀相憂一作桑

井 載船渡海雖深何咎孫子俱在不失其所

革 鵠求魚食道遇射弋繒加我頭繳縛兩翼欲飛不能
為羿所得

鼎 泥面亂頭忍耻少羞日以削消
震 桑方將落損其黃葉失勢顛倒如無所立一作佩

艮 巨蛇大鱗戰於國邦上下隔塞主君走逃翼之
漸 已動死連商子砂石胡貉擾君鼓振吏士

歸妹 張羅搏鳩鳥麗其災雌雄俱得為網所滅一作二人
將食一身五心亂
賁之無所得歸妹

豐 三聖相輔鳥獸喜舞安樂富有二人諧偶
旅 三奇六偶相隨俱市王孫善賈先得利寶居止不安

洪水為咎

巽 三人俱行一人言北伯叙欲南少叔不得中路分道

爭鬪相賊中享之

兌 播天舞地擾亂神所居樂無咎言不信誤

渙 坐爭立訟紛又洵又幸成禍亂災及我公之大離過

節 蛇行蜿蜒不能上阪履節安居可以無憂

中孚 隙大墻壞蠹衆木折狼虎為政天降罪伐高殺望夷

胡亥以斃

小過 陽不遠德高山多澤顏子逐兔未有所得

既濟 心多畏惡時愁日惧雖有小咎終無大悔

未濟 衆神集聚相與議語南國雲亂百姓愁若奉師征討

別立賢主

復之第二十四

復 周師伐紂尅於牧野甲子平旦天下悅喜

乾 任武負力東征不伏陷履泥塗雄師敗覆

坤 義不勝情以欲自營覬利危躬折角摧頸

屯 懸鉞素飡食非其任失輿剥廬休坐徙居室家何憂

蒙 鷓鴣娶婦深目窈身折腰不媚與伯相背

需 東風解凍河川流通西門子產陞擢有功

訟 三足俱行傾危善僵六指不便累恩弟兄樹柱開車

失其正當成賁之

師 京庾積倉黍稷以興極行疾至以厭飽食

比 南山之蹊真人所在德配唐虞天命為子保佑款享

小畜 車馳入趨卷甲相仇齊魯寇戰敗於大丘坤之

履 十五許室柔順有德霜降歸嫁夫以為合先王日至

泰 任力為薄遠托邦國輔車不僵為癰所傷

否 千載舊室將有困急荷糧負囊出門直北

同人 惡災殆盈日益章明禍不可救三卻夷傷

大有 寇危載患身驚不安輿福馳逐凶來入門

謙 虎狼並處不可以事惡謀轉改禍必及已退隱深山

豫 卯與石闔糜碎無處挈瓶之使不為憂懼

隨 五心六意岐道多恠非君本志生我恨悔

蠱 雨雪載塗東行破車旅人無家

臨 尚利壞義月出平地國亂天常咎徵滅亡

觀 東行破軍步入范家衡門穿射無以為至賣袍續食

噬嗑 精糠不飽

逐金出門奔失玉几往來井上甌破缺盆

賁 春孟醴酒使君壽考南山多福宜行賈市秋梁雌雉

賁

賁

所至利喜

剥 持刃操肉對酒不食夫亡從軍長子入獄抱膝獨宿

無妄 騎牛傷暑不能成畝草菜不墾年歲無有

大畜 南邦大域鬼魅滿室謹教相逐為我行賊

頤 噂又所言莫如我垣歡樂堅固可以長安

大過 堯舜禹湯四聖敦仁允施德音民樂無窮旅人相望

未同朝卿

坎 桎梏拘獲身入牢獄髡刑受法終不得釋耳閉道塞

求事不得

離 跖並桀處民困愁苦行旅遲遲留連齊魯

咸 求難獲雉買鰲失魚出入均貨利得無餘齊姜宋子

婚姻孔喜

恒 雨師駕馭風伯吹雲秦楚爭強施不得行

遯 仲冬氣秋鳥散飲憂困於米食數驚鸛鷓

大壯 三峽上山俱至陰安遂到南陽完其芝香兩崖相望未有枕床

晉 飛之日南還歸遼東雌雄相從和鳴雍雍解我胸春

明夷 堯飲舜舞禹拜上酒禮樂所豐可以安處保我淑女

家人 太乙置酒樂正起舞萬神攸同可以安處綏我齒兒

睽 白馬驂騶生乳不休富我商人得利饒優

蹇 菟馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄為玉寶得吾所有欣然嘉喜

益 襦燒袴燔羸剥飢寒病症凍攣

夫 水洙沉浮沮濕不居為心疾憂

始 行如桀紂雖禱不祐命衰絕周文君之祀

萃 蜉蝣戴盆不能上下脚摧跛蹶損傷其頭

升 長子入獄婦饋母哭霜降旬期嚮晦伏法

困 求犬得兔請新遇故雖不當路踰吾舊舍

井 鳥鳴葭端一呼三顛動搖東西危而不安靈符禱社

疾病無患

革 天厭禹德命興湯國祓社釁鼓以除民疾

鼎 陰霧作匿不見白日邪徑迷通使君乱惑

震 猿墮為木不跛手足握珠懷玉還歸我室屯之豫蒙之隨

艮 三驪負衡南取芝香秋蘭芬馥盈滿匣匱利我少姜

漸 春生字乳羽毛成就舉不失宜君臣相好盜走奔北

終無所悔

歸妹 東行破車還反室家天命訖終無所禱凶西望華首

豐 九鴈列陣鷗獨不羣為留所牽死於庖人

旅 二人輦車從去其家井沸釜鳴不可以居從疑作徙

巽 閉塞復通與喪相逢甘棠之人解我憂凶悲引自答

兌 賦欽重敷政為民賊杼柚空虛家去其室散憂與哀

渙 怒非其怨貪妬腐鼠而呼鵲鳩自令失餌倒被災患

節 簪跌帶長幽思最若瘠貌少疲以疾病降辭說與

中孚 三人俱行各別採桑蘊其筐管留我嘉侶得歸無咎

四月來處

小過 逐鳩南飛與喜相隨并獲鹿子多得利歸雖憂無危

既濟 驅羊南行與禍相逢狼驚吾馬虎盜我子悲恨自咎

未濟 東隣西國福喜同樂出得隋珠留獲和玉俱利有息

無妄之第二十五

無妄 夏臺姜里湯文厄處臯陶聽斷岐人悅喜西望華首

東歸無咎

乾 倂耳穿胸纏離勞春天地易紀日月更始蝮螫我年

痛為吾毒

坤 慈母之恩長大無踪消息襁褓害不入門

屯 謊言妄語轉相誑誤道左失跡不知狼處

蒙 鬱映不明陰積無光日在北陸萬物彫藏

需 主母多福天祿所伏居之寵昌君子有光

訟 不耕而獲家食不給中女無良長子跛足踈齒善市

商人喜

師 火起上門不為我殘跳脫東西獨得生完不利出隣

為疾憂患

比 持刀操肉對酒不食夫亡從軍少子入獄抱膝獨宿

復之

刺

小畜 繡緞去海遊於枯里街巷迫狹不得自在南北四極
渴餒成疾 啞啞笑語與歡飲酒長樂行觸千秋起舞拜受大福
泰 登高上山賓于四門士伍得懽福為我根
否 天厭周德命與南國以禮靜民兵革休息
夙 壅遏隄防水不得行火光盛陽陰鬼伏匿走歸其鄉
有 河海都市國之奧府商人受福少子玉石一作食
謙 東行避兵南去不祥西逐凶惡北逃福生與喜相逢
豫 東家中女媠母最醜三十無室媒伯勞苦
隨 破亡之國天所不福難以止息

蠱

驂駕寒驢日暮天時居者無憂保我樂娛

臨

蝮蝮之側佞幸傾惑女謁橫行正道充塞

觀

三殺五年相隨並行速入空澤有谷直北徑涉六駭

為所傷賊

噬嗑

戴喜抱子與利為友天之所命不憂危殆苟伯勞苦

西來王母

賁

織縷未就針折不復女工多態乱我政事

剝

行露之訟真女不行君子無食使道壅塞

復

羿張鳥號穀射天狼鍾鼓不鳴將軍振攘趙國雄勇

闢死滎陽

大畜 延頸望酒不入我口商人勞苦利得無有夏臺姜里

難為復喜 難為復喜 延頸望酒不入我口商人勞苦利得無有夏臺姜里

願 冠帶南遊與喜相期邀於嘉國拜位逢時坎之

過 東西觸垣不利出門魚藏深水無以樂賓爵級摧頽

光威咸哀

坎 兩母子子轉息無已五乳百雛駢駟驥駒

離 重黎祖後司馬太史陽氏之災雕宮悲苦

咸 內執柔德止訟以默宗邑賴福禍災不作

恒 采唐沫卿邀期桑中失信不會憂思約帶一作牛驥 同堂郭氏

以亡國破為墟君翼之 乾師奔走逃之噬嗑

遯 宮成立政衣就缺袂恭謙為衛終無禍尤

大壯 麒麟鳳凰子孫盛昌少齊在門利以合婚貴人大歡

晉 亂危之國不可涉域機上發上身頓僵覆

明夷 千雀萬鳩與鷄為仇威勢不敵雖衆無益為鷹所擊

萬事皆失 萬事皆失 乾師奔走逃之噬嗑

家人 衆神集聚相與議語南國雷亂百姓愁苦興師征討

更立賢生 更立賢生 節小畜之豫

睽 頽淵問騫以禮自閑君子所居禍災不存

蹇 三桓子孫世乘國權爵勢上卿富於周公

解 鶴鳴九臯處子失時載土販鹽難為功力

損 方軸圓輪車行不前組囊以錐失其事便還師振旅

益 魚擾水濁桀亂我國駕龍出遊東之樂邑天賜我祿

夫 與生為福 白虎黑狼伏伺山陽遮道牛年病我商人興時

姑 履危不安踈顛我顏傷腫為癩

萃 三人輦車東入勞家主母貪饕盜我資財亡失犂牛

升 三鶴南飛俱就塘池鰕贖饒有利得過倍

困 鷹栖茂樹候雀往來一擊獲兩利在枝柯

井 堯舜欽明禹稷股肱伊尹往來進履登堂顯德之徒

革 可以輔王 枯旱三年草萊不生窳盛空乏無以供靈

鼎 方口圓舌為知樞門解釋鈎帶商旅以歡

震 鳧池水溢高陸為海江河橫流魚鱉成市千里無墻

良 烹魚失刀駕車馬亡錫刃不入魴鯉腥臊

漸 戎狄躡踞無禮貪饕非吾族類君子攸去

歸妹 渡河踰水汎濡其尾不為禍憂捕魚遇蟹利得無幾

豐 何出小魚不宜勞煩苛政害民君受其患

旅 偃武修文兵革休安清人逍遙夾歸空閑

巽 九疑鬱林阻濕不中鸞鳥易去君子不安

兌 搏得逢虎患厭不起遂至權國與福笑語君子樂喜

渙 狗生龍馬公勞嫗苦家無筐筥折悔為吝

節 嬰孩求乳慈母歸子黃魔悅喜得其甘餌

中孚 有兩赤鷄從五雉操匕矢無咎趣釋尔射扶伏聽命

不敢動搖射財一作財

小過 伊尹智士去桀耕野執順以強天祐無咎

既濟 逐鹿山西利入我門陰陽和調國無災殃長子東遊

未濟 龍興之德周武成福長女宜家與君相得長服遠行

泰 裡且善藏

大畜之第二十六

大畜 朝鮮之地姬伯所保宜入宜家葉處子孫求事大喜

乾 金柱鐵關膠固衛災君子居之安無憂疑

坤 轉禍為福善來入屋春城夏國可以飲食保全家室

屯 水暴橫行浮屋壞墻泱泱溢溢市師驚惶居止不殆

與母相保

蒙 虎豹能羆遊戲山隅得其所效君子無憂旅人失利

市空無人

需 躬禮履仁尚德止訟宗邑已安三伯無患

訟 江淮易服玄黃朱飾靈公夏徵哀禍無極高位崩顛
失其寵室

師 不虞之患禍至無門奄忽暴卒痛傷我心蒙之明夷

比 三塗五岳去危入室凶禍不作桀盜克服失其寵福

貴人有疾

小畜 配合相迎利之四鄉昏以為期明星煌煌欣喜爽澤

所言得償

履 三手六身莫適所開更伏搖動失事便箕子祥狂

大國乃不昌

泰 虎卧山隅鹿過後胸弓矢設張獨為功曹伏不敢起

遂全其軀得我美草

否 麟鳳執獲英雄失職自衛反魯畏昧不起福祿訖已

同人 樂子作殃伯氏誅傷烟犂奔楚失其寵光

大有 黃帝出遊駕龍乘馬東至太山南過齊魯王良御右

文武何咎不利市賈

謙 齊魯爭言戰於龍門遘怨致禍三世不安

豫 道理和德仁不相賊君子往之樂有其利

隨 姬姑公姥毀益亂類使我家憤利不得遂

蠱 一巢九子同公共毋柔順利貞君子不殆福祿所在

臨 崔嵬北岳天神貴客温仁正直主布恩德閔哀不已

蒙受大福

觀 三蛆逐蠅陷墮釜中灌沸滄殪與母長訣
噬 東山西陵高峻難升滅夷掘壘使道不通商旅無功
復反其邦

賁 常德自如不逢禍殃福祿自來

剝 范子妙材戮辱傷膚後相秦國封為應侯

復 狼虎結謀相聚為儔同噬牛羊道絕不通病我商人

無妄 不宜杜公與我爭訟媒伯無礼自令塞壅

大過 上天樓臺登拜受福喜慶大來
三年上山東至平康黃龍服箱南至魯陽完其珮囊

執綏車中行人有慶

坎 天地閉塞仁智隱伏商旅不行利深難得

離 延陵適魯觀樂太史車麟白顛知篡興起卒兼其國
一統為主

咸 蔡戢甲兵歸放馬牛徑路開通國無凶憂
一下有枿 墻難鑿疾

恒 牛驥同堂郭氏以亡國破為墟君奔走趨

遯 大尾小腰重不可搖棟橈壞臣為君憂湯火之言
消不為患使我復安

大壯 太乙置酒樂正起舞萬福攸同可以安處保我觀菑

一下有暗空無
餌不利為旅

晉 飲酒醉醜跳起爭鬪伯傷叔僵東家治喪

明夷 陵陰難登澗中多石車馳韉擊重載傷軸擔負善蹟

跌踣右足

家人 爭訟不已更相咨詢張李弱口被髮北走一下有耳順
從心躬行至

睽 心志無良傷破妄行觸墻舐壁不見戶房先王閉關

商旅委棄

蹇 鷄鳴鴟鴞治成御災紱德安家周公勤勞

解 清人高子久也外野逍遙不歸思我慈母

損 兩虎爭鬪股創無處不成仇讎行解却去

益

天女推床不成文章南箕無舌飯多沙糖雲衆盜名

雄鷄折頸

夬 太子扶蘇出於遠郊倭幸成邪改命生憂慈母之恩

無路致之

姤 寒暑相推一明一微赫又宗周榮光滅衰

萃 鷄狗相望仁道篤行不吠昏明各安其鄉周鼎和餌

國富民有八極蒙祐

升 窓牖戶房通利明光賢智輔聖仁施大行家給人足

海內殷昌

困 雨雲三月鳥獸飢乏依人失宜利不可得机言解患

以療篤難危身復安

井 白鵠銜珠夜食為明膏潤優渥國歲年豐中子來固

見惡不凶

革 從承牽年與虎相逢雖驚不凶

鼎 鳧鴈啞口以水為宅鳩鳩相和心志娛樂得其所欲

震 逐狐平康水過我前深不可涉慕無所得

艮 窟室蓬戶寒賤所處千里望烟渙散四方形休滅亡

下入深淵終不見君

漸 桀紂之主悖不堪輔貪榮為人必定其咎聚斂積實

野在都邑未來我室

歸妹 倉庫盈億年歲有息商人留連雖久有得陰多陽少

因地就力

豐 泰山不然釣鯉失綸魚不可得利去我北一作三人

周國君子安息

旅 童女無媒不利動搖安其室廬待毋動憂

巽 載風雲母遊觀東海鼓翼千里見吾愛子

兌 鴻盜我襦逃於山隅不見其迹使伯心憂

渙 夜視失明不利遠鄉閉門塞牖福為我母

節 三狗逐兔于東門路利以進取商人有得

中孚 武王不豫周公禱謝載璧乘珪安寧如故

小過 同載共車中道別去爵級不進君子下輿
 既濟 六鴈俱飛遊戲稻池大飲多食又飽無患
 未濟 符左契右相與合齒乾以坤利季生六子長大成就
 風言如母不利為咎

頤之第二十七

頤 家給人足頌教並作四夷賓服干戈卷閣
 乾 思初道古哀吟無輔陽明不制上失其所
 坤 江河淮海天之奧府衆利所聚可以饒有樂我君子
 屯 三鴈俱飛避暑就涼適與增遇為繳所傷
 蒙 秋南春北隨時休息處和履中安無憂凶

晉人起居

升 輟寡孤獨祿命苦薄入宮無妻武子哀悲
 困 山沒丘浮陸為水魚燕雀無巢民無室廬
 井 冠帶南遊與福喜期遨遊嘉國拜位逢時
 革 東行亡年失其羝祥少女無夫獨坐空廬
 鼎 探巢捕魚耕田捕籜費日無功右手虛空
 震 東行飲酒與喜相得福為吾家利來從母水澤之徒
 望邑而處
 艮 妄怒失精自令畏悔怡又之懽君子無咎
 漸 白雲如帶往又來處飛風送迎大電將下擊我木稼

僵死不起

歸妹 南至之日陽消不息北風烈寒萬物藏伏

豐 火中仲夏鴻鴈解舍體重難移未能高舉君子顯名

不失其譽

旅 北行出門履蹈顛矮足據塗污我襦袴

巽 輕車馱祖疾風暴起促亂祭器飛揚鼓舞明神降佑

道無害寇

兌 酒為歡伯除憂來樂福喜入門與君相索使我有德

渙 三足孤鳥虛鳴督郵司過罰惡自賊其家毀敗為憂

三河俱合水怒踴躍壞我王屋民饑於食

剝 弱足則跟不利出門商賈無贏折崩為患湯火之憂

轉解喜來

復 夏臺出戶文王厄處鬼侯飲食岐人悅喜

無妄 棟橈攘壞廊屋大敗宮闕空廓如冬枯樹

大畜 說以內安不利其國室家大惧幽凶重閉疾病多求

罪亂憤憤

大過 六龍俱怒戰於陂下蒼黃不勝旅人艱苦

坎 天下雷行塵起不明市空無羊疾人憂凶三木不喜

脫歸家邦

離 一指食肉口無所得染其品羸古說於腹

成 喜笑不常失其福慶口辨言亦行者畏忌

恒 毛生毫背國樂民富侯王有德

遯 殞豕童牛害傷不來三光同堂生我福仁

大壯 江河淮濟盈溢為害邑被其癩年因無歲

晉 兩虎爭鬪股瘡無處不成仇離行解却去

明夷 五嶽四瀆潤洽為德行不失理民賴恩福

家人 載車乘馬南逢君子與我嘉幅離憂無咎

睽 缺囊破筐空無忝梁不媚始公棄於糞場

蹇 殺行桃園見虎東還螳螂之敵使我無患

解 箕仁入室政衰弊極抱其彘器奔於他國因禍受福

損 庭燎夜明追古傷今陽弱不制陰雄坐戾

益 懸恒素飡食非其任失輿剝廬休坐從居

夬 嘉聞福喜繒帛盛織日就為得

姤 執綏登車驂乘東遊說齊解燕霸國以安

萃 水深無楫蹇難何游商伯失利庶人愁憂

升 三鳥鴛鴦相隨俱行南到饒澤食魚與梁君子長樂

見惡不傷

困 遠視目眇臨深苦眩不離越都旅人留難

井 終風東西渙散四分終日至暮不見子懽

革 言無要約不成券契殷叔李姬公孫爭之彊入委命

不悅我心
牛馬龔慣不知聲味遠賢賤仁自令亂憤疾病無患

震 從商近遊食飽無憂囹圄之困中子見囚

漸 據斗運樞順天無憂與樂並居
姬爽姜望為武守邦藩屏燕齊周室以彊子孫億昌

豐 亡羊東澤循隄直北子思其母隨逐其所
張鳥開口舌直距齒然諾不行政亂無緒

旅 戴船逢火憂不為禍家在山東入門見公
絕國異路心不相慕蛇子兩角使我相惡

兌 鼻項移徙居不安坐枯竹後生失其寵榮

渙 火息無光千歲不長殷湯遠明
文王四乳仁孝篤厚子蓄十男無有折夭

中孚 熊羆豺狼在山陰陽伺鹿取麋道伏畏難
彫葉被霜獨蔽不傷駕入喜門與福為婚

既濟 黃離白日照我四國元首昭明民賴為福
一下有漢有游女人

未濟 順風直北與歡相得歲熟年豐邑無寇賊
一下有長女行好子

大過之第二十八

孫不昌孫疾為缺

盡與冊法書藏在蘭臺雖遭亂潰獨不遇災

乾日在北陸陰蔽陽目萬物空虛不見長育

坤鬼泣哭社悲傷無後甲子昧爽殷人絕祀

也涉塗履危不利有為安坐垂堂乃無災殃門戶自開

君憂不昌

蒙陽失其紀枯木復起秋葉冬實君不得失

需大樹之子百條共母當夏六月枝葉盛茂鸞鳳以庇

召伯避暑翮又偃仰各得其所

訟秉鉞執爨挑戰先驅不役元帥敗壞為憂

師啟室開門巡狩釋寃夏臺姜里湯文悅喜

比衰滅無幾淵溺在項吠狗夜驚家乃不寧

小畜西隣小女未有所許志如妾衣不出房戶心無所處

傳母何咎

履狗吠夜驚履鬼頭頸危者弗傾患者不成

泰當年少寡獨與孤處鷄鳴犬吠無敢難者我生不辰

獨嬰寒苦

否無道之君鬼哭其門命與下國絕不得食

同人乘龍南遊夜過糟丘脫厄魯憂下有增絕魯

大有馬躓車傷長舌破家東關二五晉君出走

謙瓜花匏實百女同室醯苦不熟未有配合

豫 晨風文翰大舉就温時過我邑昇無所得

隨 說說促促塗泥至轂雨溥不進虎嚙不得

盡 膠車駕東與兩相逢放革懈惰頓禹輪作獨坐憂不為

福一作福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人失功

噬 救年稻園聞虎喧謹危惧喘息終無禍患

責 嬰兒求乳母歸其子黃魔悅喜乃得甘飽

剝 廓落失葉跨禍變福利無所得

復 出入無時憂患為災行人失牛利去不來若馬遣駒

勿與久居

無妄 風怒漂木女感生疾陽失其時陰孽為賊

大畜 車馬疾傷不利越鄉幽人無貪去晦就明

頤 三奇六耦各有所王周南召南聖人所在德義流行

民悅以喜

坎 坐爭立訟紛不詢卒成禍亂災及家公

離 凶憂為殘使我不安從之南國以除心疾

咸 爰我嬰女牽引不得冀幸高貴及目下賤

恒 宜行賈市所取必倍載喜抱子與利為友

遯 坐席未温憂來扣門踰牆北走兵交我後脫於虎口

大壯 赤帝懸車廢職不朝叔帶之災君子記廬
 晉 子畏於匡厄困陳蔡明
 明夷 遂鴈南飛馬疾牛羸不見魚池失利憂厄牢戶之寃
 脫兔無患

家人 推輦上山高仰重難終日至暮不見阜巔

睽 憂不為患福在堂門使君偃安

蹇 春苑生華季女宜家受福多年男為邦君

解 高山之巔去地億千雖有兵寇足以自守

損 過時歷月後夫憔悴處子嘆室思我伯叔

益 太微復明說升傳巖乃稱高宗一作疾在頭頤和不能生滅其令名

夫 旁多小星三五在東早夜晨行勞苦無功

姤 東鄉煩煩相與笑言子般鞭革圍人作患

萃 鼻移在頭枯葦復生下朽上榮家乃不寧其舍不成

升 蝦蟆羣聚從天請雨雲雷集聚應時輒與得其所願

困 火步上車南到喜家送我貂裘與福載來

井 賊仁傷德天怒不福斬刈宗社失其生宗

革 從狴見虎雖危無殆終已不處

鼎 履行素德卒蒙祐福與堯侑食君子有息

震 利在北陸寒苦難得憂危之患福為道門商叔生存

艮 四蹇六盲足痛難行終日至暮不離其鄰

漸 臺駘昧子明知地理障澤宣德封居何俟
 歸妹 畜水待時以備火災柱車絆馬郊行出旅可以無咎
 豐 歲暮花落君哀於德榮寵殞墜陰棄其室
 旅 夏敗蔡悲千里為市黃落澶滸利得無有
 巽 仲春巡狩東見羣后昭德允明不失其所
 兌 冽潔縲又締構難解嫫母銜嫁媒不得生自為身禍
 渙 鳥嚙夜中以成災凶重門擊柝備憂外客
 節 朝霽暮露織我衣濡道無行牛
 中孚 抱璞懷玉與桀跖觴詘坐不申道無良人
 小過 兩心相悅共其蒹藋夙夜在公不離房中得君子意

蒹藋一作茅芦

既濟 載餽茹田破鉏失餐苗稼不闢獨饑於年
 未濟 甘露醴泉太平機關仁德感應歲樂民安

坎之第二十九

坎 有鳥黃足歸呼季玉從我睢陽可避刀兵與福俱行
 有命久長

乾 太王為父季歷孝友文武聖明仁德興起孔張四國
 載福綏厚

坤 猿墮高木不矮手足保我全生還歸其室
 屯 重耳恭敏遇說出處北奔戎狄經涉齊楚以秦代懷

誅殺子園身為伯主

蒙 倚鋒據戟傷我胸臆耗折不息

需 狗冠鷄步君失其所出門抵山行者憂難水灌我園

高陸為泉

訟 衆鳥所翔中有大恠丈身長頸為我驚憂

師 虎行相逐未有休息戰於平陸為夷所獲

北 禹鑿龍門通利水泉同注滄海民得安然

小畜 堯舜仁德養賢致福衆英積聚國無寇賊

履 陸居少泉山高無雲車行千里塗不污輪渴為我怨

泰 朝不見光夜不見明暝抵空床季女奔亡愴然心傷

否 齊魯永國仁聖輔德造禮雅言定公以安

同人 束帛玄圭君以布德伊呂百里應聘輔國

大有 棘鈎我襦為絆所拘靈巫拜祝禍不成災東山之邑

謙 中有肥土可以饒飽

謙 門燒屋燔為下所殘西行出戶順其道理虎卧不起

牛羊歡喜

豫 墻高蔽日崑崙翳日遠行無明不見權叔

隨 天地際會不見內外祖辭造送與世長訣

蠱 深水難涉泥塗至轂牛罷不進浮陷為疾

臨 羊驚虎狼獼猴羣走無益於僵為齒所傷

觀 履蛇躐虺與鬼相視驚恐失氣如騎虎尾

噬 車騫人傾兩輪脫去行者不止人生憂懼結締復解

夜明為喜

賁 南取北賈與喜為市利得百倍

剝 延陵適魯觀樂太史東隣自顛

一統為主

復 出門逢惡與福為患反相擊刺傷我手端

無妄 犖鹿羣走自然燕喜公子好遊他人多有

大畜 恭寬信敏履福不殆從其邦域與喜相得

頤 欲飛無翼鼎重折足失其福利庖羞為賊妻一下有上

其家幸喜除我
憂解吾思愁

大過 府藏之富王以振貸捕魚河海布網多得

離 陰生麓鹿鼠舞鬼哭靈龜陸處釜醜塵生仁智盤桓

國亂無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 匏瓜之德宜繫不食君子失與官正懷憂

大壯 乘船渡濟載水逢火賴得免患我有所持

晉 道險多石傷車折軸與市為仇不利客宿

明夷 託寄之徒不利請求結衿無言乃有悔患

家人三年爭妻相逐奔馳終日不食精氣竭罷

睽退惡防患日之中息解釋倒懸

蹇兩足四翼飛入家國寧我伯姊與母相得

解寒露所凌漸致堅冰草木瘡瘍花落葉亡

損后稷農功富利我國南畝治理一室百子

益設網張羅捕魚園池網罟自決雖得復失危許之患

夫路與縣休侯伯恣驕上失其威周室相微

始逐走追亡相及扶桑復見其鄉使我悔喪

萃履祿綏厚載受福祉哀微復起繼世長久疾病無危

需履危無患逃脫獨全不利出門傷我左膝疾病不食

鬼哭其室

訟東家凶婦怨其公姥毀盤破盆棄其飯食使吾困貧

師泥滓汗辱棄捐溝瀆衆所笑哭終不顯錄

此旦往莫還吝與相存身無患凶

小畜六翻長翼夜過射國羿氏無得

履蜂蠆之國難以止息嘉媚之士為王所食從去其室

泰被狐乘龍為王道東過時不返使我憂聾

否電梅零墜心思情憤懷憂少愧亂我鬼氣

同人長女三嫁進退多態牝狐作妖夜行離憂

大有 轟又鞫又驅東走西盛盈必毀高位崩顛
 謙 乘船涉濟載水逢火賴得無患蒙我全生
 豫 德至之君政仁且溫伊呂股肱國富民安
 隨 生不逢時困且多憂無有冬夏心常悲愁
 蠱 南歷玉山東入生門登福上堂飲萬歲漿
 臨 大斧斫木訖人敗國東閔二五禍及三子晉人亂危
 懷公出走

觀 一室百孫公悅姬歡相與笑言家樂以安
 噬嗑 隨陽轉行不失其常君安於鄉國無咎殃
 賁 羣虎入邑求索肉食大人禦守君不失國

中孚 南行棗園惡虎畏班執火銷鋒使我無患
 小過 求鹿過山與利為怨闇聾不言誰知其懼
 既濟 行旅困蹙失明守宿罔罔之憂啓蟄出遊
 未濟 据棘履屺跌刺為憂夫婦不和亂我良家

離之第三十

離 時乘六龍為帝使東達命宣旨無所不通
 乾 執轡四驥王以為師陰陽之明載受東齊
 坤 春秋禱祀解禍除憂君子無咎
 屯 坐朝乘軒据國子民虞叔受命和合六親
 蒙 門戶下堂與福相迎祿于公室曾孫以昌

需 高木腐巢漏濕難居不去甘棠使我無憂

訟 三女為姦俱行高園倍室夜行與伯笑言不認主母

為設歡酒寬尤誰禱

師 漏危盛酒無以養老春貸黍稷年歲實有履道坦坦

平安無咎

比 松柏枝葉常茂不落君子懽寧日富求樂

小畜 夫婦不諧為燕攻齊良弓不張騎劫憂亡

履 出令不勝反為大笑強不克弱君受其憂

泰 奔走相錯敗亂諸緒民不得作

否 載璧秉珪 命于河周公克敏冲入瘳愈

同人 素車為馬不任重負王侯出征憂危為咎

大有 大樹之子百條共母比之火中枝葉盛茂

謙 墮過隄防水不得行火盛陽光陰蜺伏藏走歸其鄉

豫 五岳四瀆合潤為德行不失理民賴恩福

隨 駕駿南遊虎驚我牛陰不奉陽其光滅躑訾之謙又

孝義解患

蠱 早霜晚雪傷害禾麥損功棄力饑無所食

臨 岐周海隅獨樂無憂可以避難全身保財

觀 陰蔽其陽目暗不明君憂其國求駢得黃駒犢從行

噬嗑 金城鐵廓上下同力政平民歡寇不敢賊

賁 平公有疾迎醫秦國和不能治晉人疑惑

剝 載堯扶禹從喬彭祖西遇王母道路夷易無敢難者

復 羔羊皮革君子朝服輔政天德以合萬國

無妄 振鍾鼓樂將軍受福安帖之家虎狼為憂履危不殆

師行何咎

太畜 嫡庶不明孽亂生殃陳失其邦

頤 鳥驚孤鴻亂國不寧上弱下強為陰所行

大過 被綉夜行不見文章安坐子堂乃無咎殃長子帥師

得其正常

坎 六月采芑征伐無道張仲方叔克勝飲酒

咸 昧暮乘車東至伯家踰梁越河濟脫無他

恒 東風解凍和氣兆升年歲豐登

遯 三貍搏鼠遮遏前後死於園城不得脫走

姤 綏德孔明履祿久長貴且有光疾病憂傷

晉 三虎搏狼力不相當如摧腐枯一擊破亡

明夷 使伯采桑狼不肯行與叔爭訟更相毀傷

家人 抱空握虛鸚鵡驚我鷓利去不來

睽 李花再實鴻卯降集仁哲以興隆國不賊

蹇 東山臯落勇悍不服金瑛玩好衣為身賊絲麻不作

解 飛蚊污身為邪所率青蠟分白真孝放逐

損 南山大木丈身六目制命出文東里宣敷尊主安居
 邦國無患 泉起崑崙西出五門流為九河無有憂患
 益 命短不長中年大傷思及哭堂哀其子亡
 始 君臣不知上下失宜宗子哀歌
 萃 苛政日作蝻食華葉割下啖上民被其賊秋無所得
 升 南竹載鎧登履九魁車傷牛罷日暮嗟咨
 困 春東夏南隨陽有功與利相逢
 井 頭尾顛倒不知緒處君失其國
 革 言無要約不成券契殷叔李姬公孫樂之強入委命

不悅子南

鼎 缺破不成胎卵不生不見其形
 震 見蛇交悟惜蜒畏惡心乃無悔
 艮 河水孔穴壞敗我室水深無涯魚鱉傾倒
 漸 五岳四瀆地得以安高而不危驚懼避患
 歸妹 南至之日陽消不息北風洲寒萬物藏伏
 豐 五利四福俱田高邑黍稷盛茂多獲高稻
 旅 公孫駕車載遊東齊延陵子產遺我紵衣疾病哀悲
 巽 蛟虬當道民困愁苦望羊置羣長子在門
 兌 金玉滿堂忠直乘危三老凍餓鬼奪我室求魚河海

網舉必得
日入明匿陽晶隱伏小人心勞求事不得
節 頻逢招飲失利後福不如子息舊器故杵申請必得
乃無大悔
中孚 南有嘉魚駕黃取遊魴鱖詡又利來無憂
小過 黃裳建元文德在身祿佑洋溢封為齊君
既濟 口不從心欲東反西與意幸疾動舉失便
未濟 虎狼之鄉日爭凶訟叨爾為長不能定證

上經考異

今考定同人之自屯至否十卦不同閣本今附于此
屯 蟻虫為賊害我嘉穀中留空虛家無所食
蒙 跛躄難步道不及舍宿澤被亡其襦露袴
需 大夫祈父無地不涉為吾相土莫如韓樂可以居止
長安富有
訟 少孤無父長失慈母悖又熒又莫與為耦
師 側棄醉客長舌作凶披髮夜行迷亂相誤亡失居處
比 馬驚車破五墮深津身絕竟去離其室廬貞唯無虞
小畜 東行迎職征討不服侵齊伐陳銜璧為臣大得意還

復、百足俱、相輔為強、三聖翼事、王國寵光、大器身、
 泰、根本不固、華落葉去、更為孤嫗、
 否、牧羊稻園、豈虎喧嚷、畏懼牯犛、終無禍焉、
 信、火無熱、火身失、慈母、
 身安富貴、
 需、太夫、
 艮、
 坤、
 本、
 上、

兵占焦氏易林卷下之十一

咸之第三十一

咸 雌單獨居歸其本巢毛羽憔悴志如死灰
 乾 小窓多明道里利通仁賢君子國安不僵
 坤 心惡來怪衝又何惧顏淵子騫尼父聖誨
 屯 鳥嗚呼子哺以酒脯高樓水起來歸其母
 蒙 國馬生甬陰孽萌作變易常服君失于宅
 需 入年多悔耕石不富衡門屢空使士失意
 訟 諸孺行賈遠涉山阻與旅為市不危不殆利得十倍
 師 梁破橋壞水深多畏陳鄭之間絕不得前

比 雙鳧俱飛以歸稻池經涉薶澤為矢所傷損我胸臆
小畜謾誕不成估梁滅文許人買牛三失羊之失利後時

公孫懷憂

履 南國饑凶民食糟糠少子困捕利無所得
泰 狗吠非主狼虎夜擾驚我東西不為家咎
否 望龍無目不見手足入水求玉失其所欲
同人 以鹿為馬欺誤其主聞言不信三言為咎黃龍三子

中樂不殆

大有 養幼新婚未能出門登宋望齊不見太師
謙 王孫貴子相與為友明允篤誠升擢薦舉

豫

山水暴怒壞梁折柱羈旅難行留連愁苦

隨

鸛鳩徙巢西至平州遭逢雷電碎我若盧室家飢寒

思吾故初

蠱

登高傷軸上阪棄粟販鹽不利市賈折角

臨

祝駝王孫能事鬼神節用綏民衛國以存眉壽多年

觀

九里十山道却峻難牛馬不前復反來還

還一作道

噬嗑

枯樹不花空淵無魚舊鳥飛翔利棄我去

賁

雄狐綏遺登山崔嵬昭告顯功大福允具

剝

啞又笑言與歡飲酒長樂行觴千秋起舞拜受大福

復

大推破轂長舌亂國床第之言三世不安

無妄 男女合室三姓同食婚姻孔云宜我孝孫三疑

大畜 千仞之墻不得入門金籠鏡疏利以避兵欲上南阪

軸方不轉還車復反

頤 華言風語自相誑誤終無凶事安寧如故

大過 汎汎栢舟流行不休耽耽寐寐公懷大憂仁不遇時

退隱窮居

坎 大尾小頭重不可搖上弱下強陰制其雄

離 一身三口語無所主東西南北迷惑失道

恒 南行求福與喜相得封受上賞罪足輔國

遯 過時不歸雌雄若悲徘徊外國與母分離

大壯 堯舜在國陰陽和德泳聚衣裳晉人無殃

晉 周公之隆越裳夷通疾病多崇鬼哭其公浪子野心

客宿不同

明夷 申酉脫服牛馬休息君子以安勞者得懽

家人 凱風無母何恃何怙幼孤弱子為人所若

睽 出門上堂從容牖房不失其常天牢地戶勞者憂若

蹇 天厭周德命與南國以禮靜民兵革休息

解 堂桑折衡佐閉者傷暴臣反國良臣被殃

損 合歡之國嘉喜我福東岳西山朝齊成思

益 耕石不生棄禮無名縫衣失針襦袴不成

夫 聾瞽盲跛倚不行坐尸骸身被大災困其多憂

始 生長太平仁政流行四方歸德社稷康榮

萃 桀跖泣處民入愁苦捕兵荷糧戰於齊魯合登得牢

姬姜並居

升 南與凶俱破車失襦西行無袴亡其寶賂

困 空曹注器豚彘不至張弓祝難雄父飛去

井 望尚阿衡太宰周公藩屏湯武立為王侯

革 朝鮮之地姬伯所保宜家宜入業處子孫

鼎 息憂解笑故貧今富載樂履善與福俱憂下憂字疑當作優

震 叔迎伯兄遇巷在陽君子李姬並坐鼓簧

艮 順風縱火艾芝俱亡三官集房子子中傷剝之坤作三官集房

十子中傷

漸 駕車八里求鮮魴鯉非吾肆居自令失布君子所在

安無危殆

歸妹 拔劍傷手見敵不起良臣無佐困辱為苦

豐 亂君之門佐闔傷跟營私貪祿身為悔殘東下泰山

見我所歎

旅 慈母望子遠思不已久客外野使我心苦

巽 魴生淮卻一轉為百周流四海無有患惡淮却一作江維

兌 甘露醴泉太平梳開仁德感應歲樂民安

渙 采薇出車魚麗思初上下役急君子免憂

節 豕生魚魴鼠舞庭堂雄倭施毒上下昏荒君失其邦

中孚 三頭六目道畏難宿寒若之國利不可得

小過 燕雀銜茅以生孚乳昆弟六人懽好孝悌各同心願

和悅相樂

既濟 文君德義仁聖致福年無胎天國富民實卧者在室

魯累益息

未濟 秋梁未成無以至陳水深難涉使我不前

恒之第三十二

恒 黃帝所生伏羲之字兵刃不至利以居止

乾 登墀踈足南行折角長夜之室不逢忠直

坤 燕雀衰老悲鳴入海憂在不飾差池其羽頡頏上下

寡位獨處

屯 開門除憂伯自外来切切之患我心得歡切切疑當作切切

蒙 郊耕擇耜有所疑止空虛無子蒙昧不知

需 張牙切齒斷怒相視禍起蕭牆牽引吾子患不可解

憂驚吾母

訟 履不容足南山多棘毋出房閨乃無病疾

師 牛駢亡子鳴於大野申后陰微還歸其母

比 龍生於淵因風昇天章虎炳文為禽敗軒發蜺温谷

暮宿崑崙終身無患光精照耀不被患難

小畜 既嫁宜吉出入無咎三聖並居國安無災

履 北陸陽伏不知黑白君子傷訟 正害善人

泰 一身兩頭延適二家亂不可治

否 牝馬牡駒歲孳不休君子衣服利得有餘

同人 南行懷憂破其金輿安坐故廬乃無殃患

大有 憂人之患履傷浮顏為身禍殘篤身自守與喜相抱

謙 咸陽辰巳長安戌亥丘陵坐心非魚鱉市可以避水

豫 終無凶咎 不知何孫夜來扣門我慎外寇兵戎且來

隨 昧旦不明目睹無光喪滅失常使我心傷

蠱 江陰水側舟楫破之孤不得雨豹無以北雖欲會盟

河水梁絕

臨 神之在丑逆破為咎不利西南商人休止

觀 然諾不行欺訟誤人使我虛宿夜歸温室神怒不直

鬼繁無目欲求福利適反自賊

噬嗑 攘臂極肘怒不可止狼戾復很無與為市

賁 販馬買牛會值空虛利得甚少留連為憂

剝 高樓陞處以避風雨深堂邃宇君安其所牝雞之息

復 阿衡服箱太乙載行逝時歷舍所求吉昌

無妄 飛來之福入我居室以安吾國

大畜 不孝之患子孫為殘老耄莫養獨坐空垣

頤 南過棘門駒裂我冠斷衣傷襦使君恨憂

大過 重門射平不知所定質疑若龜孰可避火明神答報

告以犧牲宜利止居

坎 麟麇鳳雛安樂無憂捕魚河海利踰徙居

離 新田宜粟上農得穀君子懷德以干百祿

咸 簪短帶長出思若窮瘠蠹小瘦以病之瘡
疑當作生 我憂患

遯 爭訟之門不可與隣出入有為憂生我患

大壯 朽根枯稼不生肌膚病在心腸日以憔悴

晉 雨師娶婦黃巖季女成禮就昏相呼南上膏我下土
年歲大茂

明夷 冬採薇蘭地凍堅難利走失北暮無所得

家人 昧之東域誤過虎邑失我熟罷飢無所食
熟疑 作熊

睽 日莫閑日隨陽休息箕子以之乃受其福舉事多言

必為悔殘

蹇 蓼蕭瀼又君子龍光鳴鸞雍又福祿求同

解 鳥飛無翼兔走折足雖不同會未能利達

損 五勝相賊火得水息精光消滅絕不能續

益 東資齊魯得駢大馬使辟能言市人善買鄰人併戶

請火不與人道閉塞鬼崇其宇

夫 爭鷄失羊亡其金囊利不得長陳蔡之患賴楚以安

始 九登十陟馬跌不前管子佐之乃能上山

萃 東鄰愁苦君亂天紀日貪祿寵必受其咎一下有意合志同內

外相從息吾伯公

升 三狸捕鼠遮過我前死於壞域不能脫走

困 狼虎爭強禮義不行兼吞其國齊魯無主

井 五歲四瀆合潤為德行不失理民賴恩福

革 六月種黍歲晚無雨秋不宿酒神失其所先困後通

與福相從酒字疑當作酒

鼎 駮牝龍身日取三千南上蒼梧與福為婚道理夷易

身安無患取疑當作趣

震 出入休居安止無憂上室之權虐為季殘

艮 南山昊天刺政閔身疾病無辜皆憎為仇

漸 潼頓東徙道路跛踦日辰不良病為崇禍

歸妹 兄征東燕弟伐遼西大克勝還封居河間

豐 播輪折輻馬不得行墜牛之說賊其父兄布衣不傷

終身無患

旅 駕之南海晨夜不止君子勞罷僕夫憔悴

巽 怨重被燒忿怒生禍福心作事意如為亂

兌 張狂妄行竊食盜梁狗吠非主嚙傷我足

渙 警蹕式道先驅除咎王后親桑以率群功安我祖宗

節 門戶乏食困死誰告對門不通安所歸急積歲五穀

一花千葉市賈有息

中孚 破敵復完危者得安鄉善無損商人有息利來入門

小過 疊又累又如岐之室一息十子古公治邑

既濟 三驅治民不勝其任西馬車敗壞家室

未濟 蔽鏡無光不見文章少女不市弃于相望

遯之第三十三

遯 三塗五嶽陽城太室神明所住獨無兵革

乾 軟弱無輔不能自理意在外野心懷勞苦雖憂不殆

坤 周成之隆刑措無凶大衆讚佑君子作仁

屯 穴有孤鳥坎生蝦蟆象云萬里不可得捕

蒙 俱為天民雲過吾面治民嫉妬與我無恩作民一作門

需 三手六目政多煩惑臯陶瘖聾亂不可從

訟 德積不輕辭王鈞耕三媒不已大福來成

師 堅固相親日篤無患六體不易孰為安全兩師駕西

比 洒我轂輪張伯李李各噬開門
方內不行輻摧輪傷馬禁隄與愛子閱時

小畜 畜牝無駒養雞不雛群羊三歲不主兩頭
 履 老菴罷極無取中直懸輿致仕得歸鄉國
 泰 縮緒亂絲手與為災越畝逐兔斷其禪襦
 否 海若水乾魚鼈蕭索間落無澗獨有沙石
 同人 入市求鹿不見損足終日至夜竟無所得
 大有 築門墜戶虎卧當道驚我驂駟不利出處
 謙 陶朱白圭善賈息資公子王孫富貴不貧
 豫 王良善御伯樂知馬周旋步驟行中規矩止息有前
 延命壽考
 隨 堯問大舜聖德增益使民不懼安無怵惕

蠱 昭公失常李氏悖狂遊齊處鄆喪其寵身
 臨 昏暮不行候旦待明復住止後未得相從
 觀 安止宜官一日九遷升擢超等牧養常山
 噬嗑 去惡就凶東西多訟行者無功
 賁 老馬垂耳不見百里君子弗恃商人莫取無與為市
 剝 蠟螺生子深自黑醜似類其母雖或相就眾人莫取
一云蝸螺自疑當作目
 復 百足俱行相輔為強三聖翼事王室寵光
 無妄 容民蓄衆履德有信大人受福童蒙憂惑利無所得
 大畜 左跌右僵前躓觸柔其楛據石傷其弟兄老蠶不作

家箕織帛貴貨賤身久留連客

顧 昏人旦明賣食老昌國祚東表號稱太公

大過 敬苟在梁魴遠不禁漁父勞苦焦喉乾口虛空無有

坎 盛中後跌衰者復掇盈滿或毀疾羸肥脂鄭昭失國

重耳興立

離 折亡破甕使我困貧與母生分別離異門

咸 野有積瘦畜人駕取不逢狼虎暮歸其宇

恒 襁褓孩孤冠帶成家出門如賓父母何憂

大壯 陳力就列官職無廢手不勝盆失其寵門

晉 積雪大寒萬物不生陰制士庶時本寒貧

明夷 龍闔海門失理傷賢內畔生賊自為必疾

家人 不畏猛虎依人為輔三夫執獸伏不敢起身安無咎

睽 南山高崗回隕難登道路遼遠行者無功憂不改凶

惡亦消去

蹇 逢時陽遂富且尊貴

解 求我所欲得其利福終身不辱盈盛之門高屋光覆

損 君先其固 安坐至暮禍災不到利詰娒姝皇宥不赦

益 膠車駕東與雨相逢五紭解墮頓斬獨宿憂為身福

夬 擇日高飛遠至東齊見孔聖師徒我相諧

始 陳媯敬仲兆興齊姜乃適營丘八世大昌

萃 缺將無憚難從東西毀破我盆泛棄酒食

升 中夜狗吠盜在廬外神光佐助消散歸去

困 雷車不藏隱又西行霖雨三旬流為河江使我憂凶

井 老河空虛舊井無魚利得不饒避患東隣福來入門

使 使我悔存

羊 福德之士欢悅日喜夷吾相國三歸為臣貴流子孫

鼎 清人高子久屯外野逍遙不歸思我慈母

震 驄驪黑鬣東歸高鄉白虎推輪蒼龍把衡朱雀導引

靈 鳥載遊遠扣天門入見真君馬全人安

良 路多枳棘前刺我足不利旅客為心作毒

漸 端作生患憂來入門使我不安作疑當

歸 妹 小取之市利不足喜三世積仁蒙其祖先匪躬之言

狂 悖為患

豐 登高望時見樂無憂求利南國與寶相得

旅 跛足息肩有所忌難金城鐵郭以銅為闕藩屏自衛

安 上無患疑當

巽 江水泥泥思附君子伯仲處市不我肯顧姪娣悵悔

允 芽蘖生達陽唱於外左手執蓋公言錫爵疑當

渙 雲夢苑周萬物審熾犀象玳瑁荆人以富

節 渠戎萬里晝夜愁苦秦甲戌服雖荷不賊鷹鷂之殃

害不能傷

中孚 出門東行日利辰良步騎與駟經歷京邦暮宿北燕

與樂相逢

小過 騎驢與蒼南賈太行逢蛟猛虎為所吞食墜於渭陽

既濟 磁基逢時稷契臯陶貞良得願微子解囚市恐無虎

謾言妄語

未濟 酒為歡伯除憂未樂福喜入門與君相索使我有得

未當 作束

身大壯之第三十四

大壯 左有噬熊右有嚙虎前觸鍤矛後躡強弩無可抵者

乾 金齒鐵牙壽考宜家年歲有儲貪利者得有其咎憂

坤 家給人足頌聲並作四夷賓服干戈橐閣

屯 彌猴冠帶盜載非位象犬持吠狂走蹶足

蒙 心患其身不念安存忠臣孝子為國除患

需 君不明德臣亂為惑丞相命駕胡亥失所

訟 東行西窮南北無功張伯買鹿從者失羊

師 鹿下西山款保其群逢羿箭鋒死於矢端

比 夷明兆初三旦為灾以謔復歸名曰豎牛剝亂叔孫

餒率虛立

大畜 坐爭立訟紛又凶又卒成禍亂災及家公
願 霜降門戶蟄虫隱處不見日月與死為伍

大過 鼠聚生怪為我急悔道絕不通商旅失意

坎 寒暑不當軌度失常一前一後年歲鮮有

離 築室水上危於一齒丑寅不徙辰卯有咎

咸 畜雞養狗長息有儲耕田得黍主母善舞

恒 東壁餘光數暗不明主母嫉妬亂我事業

遯 剛柔相傷火爛銷金鵬鷹制兔伐楚有功

晉 鄭國諗多數被楚憂征夫愁苦民困無聊家俱是關

新 于虎口白豕不勝死於坎下

明夷 弓矢斯張把彈弦折丸發不至道遇害患

家人 舉觴飲酒未得至口側棄醉酗拔劍咋怒武侯作將

睽 蒼鷹群行相得旅前王孫申公驚奪我雄止天門間

蹇 神火飛灾如不敬信事入塵埃

蹇 穿屋相宜利信我比循邪詭道迎不可得南北望邑

遂歸入室

解 壽如松喬與日月俱常安康樂不離禍憂

損 出門望東伯仲不來疾病為患使母憂歡

益 大姬之孫周文九子咸遂受成寵貴富有

夬 桃李花實累又日息長大成熟甘美可食為我利福

始 婚禮不明男女失常行路有言出爭我訟

萃 空穿漏故破椽殘缺陰弗能完瓦碎不全空疑

升 數窮廓落困於厝室往登玉堂與老侑食作老

困 道濕為坑輪陷躓疆南國作諱使我多畏

井 鰥寡孤獨福祿苦薄入室無妻我子哀悲

卑 舉袂覆日不見日月衣衾杖几就其夜室南北

罪 長尾踉蹌畫地為河深不可涉絕世之比憫然憤息

震 農風文翰火舉就温味過我邑界無所得門

艮 出入節時南北無憂亟行所逐在外來歸亟行所逐一作行者亟至

漸 陽氏狂惑季孫亂潰陪臣執政平子俱折季心不快

歸妹 五鳥六鳩相對蹲踞禮讓不與虞芮爭訟

豐 願念所生隔在東平遭離滿沸河川決潰幸得無恙

復生歸室

旅 追獵東走免逃我後吾銳不利獨室無有

巽 犬吠非主上下渾擾敵人襲戰閔王逃走

兌 嵩高岱宗峻直目神觸石膚十千里蒙恩

渙 陳魚觀社狼虎踰距為民開緒亡其祖考

節 四壁無戶三步一止東西南北利不可得

中孚 求君衣裳情不可當觸諱西行為伯坐殃君之上安得生安存

小過 春鴻飛東以馬貨金利可得深
既濟 禾生虫蠹還自尅賊使我無得
未濟 桀亂無道民散不聚背室之家遁逃出走

晉之第三十五

晉 銷鋒鑄耜休平放馬甲兵解散夫婦相保
乾 一衣三冠冠無所絆衣服不成為身災患
坤 百足俱行相輔為強三聖翼事王室寵光
屯 魚蛇之怪大人憂懼梁君好城失其安居
蒙 少無強輔長不見毋勞心遠思自傷憂苦
需 前不溽暑解不可取離門二里敗我利市老牛病馬

去之何悔

訟 君明有德登天太祿布政施惠以成恩福中子南遊

翱翔未復

師 呼然唯諾敬上尊容執恭降惠禦悔致福

比 泰稷禾稻垂秀方造中旱不雨傷風病藁早一本作草

小畜 三羸六罷不能越跪東賈失馬徃反勞苦

履 倚立相望引衣欲裝陰雲蔽日暴雨降集使道不通

阻我歡會

泰 高脚疾步受肩喜趨日走千里賈市有得

否 北風寒涼雨雪盈冰憂思不樂哀悲傷心

同人 貞鳥睢鳩執一無尤寢門治理君子悅喜

大有 蓼蕭露瀼君子寵光鳴鸞嘯又福祿來同

謙 南行求福與喜相得受封上賞罪足輔國感之

豫 桑華腐蠹衣弊如絡女功不成絲廟為王外與不與

隨 左服易右王良心歡喜利從已

蠱 壽考不忘駕駟東行三適陳宋南賈楚荆得利息長

旅身多罷畏晝喜夜

臨 羔羊皮并君子朝服輔政挾德以合萬國

觀 鸛鳩徙巢西至平州遭逢雷電破金葦蘆室家飢寒

思吾故初咸之隨同

噬嗑 大尾小頭重不可搖上弱下強陰制其雌雌之成同

賁 䟽足息肩有所忌難金城銅郭以鐵為關藩屏自衛

安心無患

剝 天命玄鳥下生大商造定四表享國久長

復 賦歛重數政為民賊杼軸空虛我去其室

無妄 陰陽隔塞許嫁不答宛丘新臺悔徃歎息

大畜 願望登虛意常欲逃賈辛醜惡妻不安夫

頤 跋行竊視有所畏避蔽目藏伏以夜為利

大過 信敏恭謙敬鬼尊神五嶽四瀆克厭帝心受福宜年

坎 懸又南海去家萬里飛兔腰裒一日見母除我憂悔

離 雖污不辱因何跣足童子褰衣五步平復
咸 宮城立見衣就袂裾恭謙自衛終無禍尤
恒 敬苟在梁不能得魚望食十里所至空虛
迥 千里駢駒為王服車嘉其驪榮君子有成
大壯 鼎足承德嘉謀生福為主開度得心所欲
明夷 右手無合獨折左指禹湯失位事功弗立
家人 憂凶增累患近不辭心西意東事無成功
睽 東行食榆困於枯株夫妻無家志窮為憂
蹇 五經六紀仁道所在正月繁霜獨不離咎
解 懈緩不前怠墮失便二至之戒家無禍凶刻木象形

聞言不信一本作末

損 仁愛篤厚不以所忿害其所子從我舊都日益富有
益 缺破不成胎卵未生弗見兆形
夫 摧角不傷雖折復長秉德無愆老賴榮光
姤 乘桴浮海免脫厄中雖用無凶
萃 孔鸞鴛鴦雛鵝鷓鴣翱翔紫淵嘉木之國君子以說
升 甘露溫潤泉來得願樂易君子不逢禍亂
困 東騎墮落千里獨宿高岸為谷陽失其室
井 入村既登以成嘉功龍降庭堅國無災凶
革 耶郭反言父兄生患竟涉憂恨卒死不還

鼎 五銚鐵願倉庫空虛買市無盈與利為仇
 震 白鳥御餌烏呼其子施枝張翅來從其母
 艮 學靈二年聖且神明先見善祥吉盛福慶神馬來見
 告我無憂

漸 雲孽蒸起失其道理傷害年穀神君之精
 歸妹 春耕有息利入利福獻新大縱以樂成功
 豐 羸豕踴躍虎來都邑遮過左右國門勅急
 旅 東行西維南北善迷逐旅失群亡我襦衣
 巽 居室之倫夫婦和親小人乘車亡在夫家碩果失豢
 不知孰是

兌 東方孟春來水載盆懼危不安終身所歡
 渙 風吹塵起十里無所南國年傷不可安處
 節 重載傷車婦女無夫三十不室獨坐空廬
 中孚 敗牛羸馬與利為市不我嘉善
 小過 月出阜東山蔽其明章父憂倭箕子佯狂
 既濟 出入門所與道開通杞梁之信不失日中少季渡江
 來歸其邦疾病危亡
 未濟 邑居衛師如轉逢時居之凶危

明夷之第三十六

明夷 他山之錯與瓊為仇來攻吾城傷我肌膚邦家騷憂

乾踐履寒水十步九尋惟有苦痛不為病憂
坤即太公避紂七十隱處卒逢聖文為王室輔

屯日月之塗所行必到無有患晦

蒙諷德訟功美風盛隆旦輔成周光濟冲人

需童子無室未有配合空坐獨宿

訟穿鼻繫株為虎所拘王母祝詞禍不成災遂然脱來

師黃帝神明八子聖聰佚受大福天下平康

比深谷為陵衰者復興亂傾之國民德安息中婦病困

遂入宜室

小畜道遠遼絕路宿多悔頑焉相聚生戒畏忌

履旦樹菽豆暮成藿美心之所樂志快心歡

泰切切之患凶憂不成虎不敢嚙利當我身作切切疑

否王伯遠宿長婦在室異庖待食所求不得

同人寒燠失時陽早為災雖耗無憂

大有雖窮復通履危不凶得其明功

謙狼虎所宅不可以居為我患憂

豫喋囁處耀明昧相傳多言少實語無成事

隨履水蹈凌雖困不窮播鼓登巖卒無憂凶

蠱文墨且墨禍福相雜南北失志東西不得一云文墨且墨憂福相雜

臨羊訟不已更相談詢張李弱口被髮北走

觀 德積逢時宜其美才相明輔聖拜受福休長女不嫁

後為大悔

噬嗑 江水沲泥思附君子仲伯愛歸不我肯顧姪娣恨悔

賁 光礼春成陳室雞鳴師明失道不能自守消亡為咎

剝 驚虎無患虞為我言賴得以安

復 偽言妄語轉為誑誤不知狼處

無妄 履燥自敵凶憂來到痛不死哭

大畜 牽尾不前逆理失臣惠翔以奔

頤 三狸捕鼠遮過我後死於環城不得脫走

大過 言笑未畢憂來暴卒身墨丹索檻內裝米

坎 陰積不已雲作淫雨傷害平陸民無空屋

離 山林麓藪非人所處鳥獸無禮使我心苦

咸 新作初陵踰陷難登三駒推車跌損傷頤臨當作險

恒 兔徵惛惛行曠聽絕擴然大通復更生活

遯 樂子作殃伯氏誅傷州吁奔楚去其邑鄉

大壯 驕胡大形造惡作凶無所能成還自滅身

晉 陳辭達情使安不傾增榮益譽以成功名

家人 三杞無棗家無積莠使鳩求婦頑不我許

睽 慎禍重患顏子為尤乃能安存牢戶繫羊乃能受福

蹇 鹿得美草鳴喚其友九族和睦不憂饑乏

解亡王失鹿不知所伏利以避危全我生福甘雨時降

知年歲有得賦七為六八消安存中九樂年八消安款

損逢時積德身受福慶

益鵠思其雄欲隨鳳東順理羽翼出次日中須留北邑

復反其室

夫環緒倚鉏斗升屬口貧賤所處心寒悲苦緒疑當作塔

始孤獨特處莫依為輔心勞志苦

萃稷為堯使西見王母拜請百福賜我喜子長樂富有

升鳴條之災北奔大胡左衽為長國號匈奴主君旄頭

立為單于

困絕而復通雖危不窮終得其願姬姜相從

井陽并悖狂拔劍自傷為身生殃

革方圓不同剛柔異鄉掘井得石勞而無功

鼎乘風駕雨與鳴鳥俱動舉千里見我愛母

震三塗五嶽陽城太室神明所扶獨無兵革

良鷓鴣娶婦深目窮身折腰不媚與伯相悖

漸轉行軌執行迹不遠旦夕入門與君笑言

歸妹求利難國逃去我北復歸其城不為吾賊雜疑當作離

豐日月之途所行必到無凶無咎安寧不殆

旅管叔遇桓得其願歡膠日教糾振冠無憂笑喜不止

空言妄行
 出入蹈踐動順天時俯仰有節禍災不來
 兌 內崩中傷上亂無常雖有米粟我不得食
 渙 逐禍除患道德神仙過惡萬墮福常在前身樂以安
 節 牛驚馬走上下渾擾鼓音不絕項公奔敗
 中孚 西上九陂往來留連心須時日靈輿有德
 小過 虎怒捕羊謂不能攘
 既濟 湧泉消又南流不絕卒為江海將師襲戰獲其醜虜
 未濟 桃弓葦戟除殘去惡敵人執服

家人之第三十七

家人 王命赤烏與君微期征伐無道誅其君傲居止何憂
 乾 千歲槐根身多斧痕傷夷倒掘枝葉不存
 坤 嘖又諤又虎豹相斲畏懼悚息終無難惡
 屯 娶於姜呂駕迎新婦少齋在門夫子歡喜
 蒙 高壤肥澤民人孔樂宜利居止長安有福
 需 王有聖德上配太極皇靈建中授我以福
 訟 菴老蒙鈍不見東西少者弗慕君不與謀懸輿致仕
 退歸里居
 師 三狂北行道逢大狼暮宿患宅為禍所傷
 比 更旦初歲振除禍敗新衣元服拜受利福

小畜 杲杲白日為月所食損上毀上鄭昭出走損上之上疑當作下
履 君子失意小人得志亂憂並作姦邪充塞雖有百堯
顛不可救

泰 仁德優洽恩及異域澤被殊方福慶隱伏作蠶不織
寒無所得

否 東求金玉反得弊石名曰無宜字曰醜患衆所賤薄
擊鼓合戰士怯叛亡威令不行敗我成功

同人 仲春孟夏和氣所舍生我嘉福國無殘賊
大有 尹氏伯奇父子相狎無罪被辜長古為災

謙 五穀不熟困民惡極駕之新邑嘉禾有得

豫 登虛望貧暮食無餐長子南戍與我生分
蠱 東市齊魯南賈荆楚羽毛齒革為吾利寶

臨 節情省欲賦歛有度家給人足公劉以富
觀 恭寬信敏功加四海辟去不祥喜來從母

噬嗑 張狂妄行與惡相違不得所欲生我獨凶
賁 畫龍頭頸文章不成甘言美語詭辭無名

剝 騎龍乘鳳上見神公彭祖受制王高贊通巫咸就位
拜壽無窮

復 溫仁君子忠孝所在八國為隣禍災不起
無妄 威權分離鳥夜徘徊群蔽月光大人誅傷

大畜 學靈三年聖且神明先知吉祥言喜福慶神鳥來見

告我無窮 同晉之艮 字有少異

頤 東山辭家處婦思夫伊威盈室長股羸戶歎我君子

役日未已

大過 張領開口古宜絕蓋然諾不行政亂無緒

坎 吹角高邦有失牛羊衆民驚惶敬慎避咎勅行不殃

離 南行出城世德福祉三姬嫁齊賴其所欲

咸 心狂志悖耳聽從類政令無常下民多孽

恒 安上宜官一日九遷踰羣越等牧養常山

遯 東鄰嫁女為王妃后莊公築館以事主母歸于京師

季姜悅喜

大壯 六甲無子以喪其戊丑丁不親庚失曾孫孫孫走出門

晉 陰霧不清濁政亂民孟春夏季夏水壞我居

明夷 騎脫逐羊不見所望徑涉虎廬亡身失羔

睽 安牀厚褥不得久宿棄我喜宴困於南國投杼之憂

不成禍災

蹇 五日四維安平不危利以居止保有玉女

解 西賈巴蜀寒雪至轂欲前不得反復其室

損 剛柔相呼二姓為家霜降既同惠我以仁

益 天馬五道夾大分處往來上下相隨哭歎凶惡好何

夫出門懷憂東上禍丘與凶相遇自為災患
始西行求玉冀得隋璞反見凶惡使我驚惑
萃出門無至動作失利銜憂懷禍使心多悴門一作入
升高樓無柱顛僵不久紂失三仁身死牧野
困避禍逃殃身全不傷高貴疾顛華落墜亡
井張牙反目怒讎忿怒狂馬撓大道警傷軫
單泉涸龍憂箕子為奴于叔隕命殷破其家
鼎向食飲酒嘉賓會聚特羊大緒君子饒有
震黃牛駢犢東行折角冀得百祥反亡我囊
艮路多枳棘步刺民足不利旅客為心作毒

漸執斧斫薪使媒求姝和合二姓親御斯酒召彼鄰里公姑悅喜
歸妹駕車出門順時宜西福祐我身安寧無患
豐日新東升魁杓為禍漢臺為秦使我久坐升一作徙
旅山陵丘墓竟空室屋精光竭盡長卧無覺
巽孩子含餌為利所悅採釜把甌爛其手臂
兌何村待時門戶獨悲蚯蚓冬行解我無憂桑蠶不得
女功無成
渙解傷驚惶散我衣裳君不安邦
節害政養賊背王入愆跛行不安國為危患
中孚禍走患伏喜為我福凶惡消亡災害不作

天
卷之十一
六

小過 老馬為病又難不離三雌獨宿利在山比
既濟 播天舞地曉亂神所居樂無咎
未濟 異國殊俗情不相得金木為仇酋賊擅役

睽之第三十八

睽 倉盈庾億宜稼黍稷年豐歲熟民得安息
乾 被服東衣遊視酒池正堂見觴喜為吾兄使我憂亡
坤 邑姜叔子天文在手寶沉參墟封為晉侯
屯 改柯易葉飯温不食豪雄爭強先者受福
蒙 馨香涉降明德上登社神佑顧命為大鄰
需 老狼白駒長尾大狐前顛卻蹟進退道崇

訟 山沒丘浮陸為水魚燕雀無慮

師 懿公淺愚不受深謀無援失國為狄所滅

比 鼎易其耳執不可舉大塗壅塞旅人心苦

小畜 幽聲醜言要不可聞君子舍之往恨我心要疑當作惡

履 昧暮乘車履危蹈溝亡失羣物摧折兩軸

泰 南有嘉魚駕黃取鱗鮪調又利來毋憂

否 隔在九山往來勞難心結不通失其所歡

同人 下流難居任失多態貞良温柔年歲不富

大有 狐狸雉兔畏人逃去分首竄匿不知所處

謙 異體殊俗各有所屬西鄰狐姬欲寄我室主母罵詈

終不可得

豫 怒非怨妬貪得腐鼠而呼鷹鷂自今失餌倒被困患

隨 五心六意歧道多怪非君本心生我恨悔

蠱 三斑六黑同室共食日長月息我家有德

臨 方船備水旁河燃火終身無禍

觀 警屏獨語不聞朝市利以居言究被後門

噬嗑 居處不安徒反觸患

賁 刺則髡削人所賤棄批捍之言我心不快

復 兩目失明日奪無光脛足跛倚不可以行損於丘傍

無妄 金城朔方外國多年履霜不時去復為憂

大畜 匿瘡不醫亂政生災紂作淫虐商破其墟

頤 鬼哭泣社悲傷無後甲子昧爽殷湯絕祀

大過 焱風卒起車馳袍褐棄古追卞失其和節憂心悒悒

坎 菴老失明聞善不從自今顛沛反為咎殃

離 隨風騎龍與利相逢日獲三狐高伯有功衝上之邑

長安無他

咸 三牛五牂重明作福使我有得疾入官獄憂在心腹

恒 孟己乙丑哀呼尼父明德訖終亂虐滋起

遯 葦登百枝消暗衰微精光訖盡奄如灰糜

大壯 鷹飛雉退兔伏不起狐張狼鳴野雞驚駭

晉 闔身戰天門有何患室家具在不失其歡

明夷 東家殺牛何逆腥臊神背西顧命絕哀周亳社災燒

宋人夷誅

家人 陰陽辨舒二姓相合婚姻孔云生我利福

蹇 東人海口循流北走一高一下五色無主十日六夜

死於水淚

解 孤竹之墟失婦無夫傷於蒺藜不見其妻東郭崇姜

武子以亡

損 天門東墟盡既為災跡蹙喑聾秦伯受殃

益 賴生光木受福之祉雖遭亂潰獨不危殆

夬 折舌閉目不見雅叔三足孤鳥遠其無失

姤 七人同室兄弟合良和樂相好各得所欲

萃 繼體守藩縱欲廢賢君臣淫佚夏氏失身側室之門

福祿來存

升 老狐屈尾東西為鬼病我長安哭涕詘指或西或東

大革易誘

困 大樹之子百條共母當夏六月枝葉茂盛鸞鳥鳳以庇

召伯避暑禘也印甚各得其所

井 井堙水刊國多暴殘秦王失所壞我大壇利疑

革 駕黃買倉與利相迎必獲所守不累弟兄

鼎 倉盈庾億宜稼黍稷年豐歲熟民得安息

震 人生馬淵壽考且神飛騰上天舍宿軒轅居常樂安

艮 思願所之今乃逢時洗我故憂拜我歡來

漸 魁剛所當初為敗殃君子留連困於水漿求金東山

利在茂鄉賈市有息子載母行

歸妹 鉛刀攻玉無不鑽鑿龍體具舉魯狀為輔三聖翼事

所求必喜

豐 喜來如雲舉家歡忻衆人君子駕福盈門

旅 響像無形骨體不成微行哀索消滅無名

巽 積水不温北陸苦寒露宿多風君子傷心

兌 黃馬綠車駕之大都諧遠才能使我無憂 諧疑當作薦

渙 從風放火芝艾俱死三害集聚叔子中傷

節 一身三手無益於輔兩足共節不能克敏

中孚 南向陋室風雨並入埃塵積湿王母盲痺偏枯心疾

亂我家次

小過 采薇出車魚麗思初上下促急君子懷憂

既濟 先易後否告我利市騷蘇自苦思再改正 改正一作故正

未濟 生宜北乳上皇大喜隆我祉福貴壽無極

蹇之第三十九

蹇 同濟共與中道別去喪我無夫獨與孤苦

乾 叔盼居寃祁子自邑乘遽解患羊舌免脫賴得全生

坤 兔聚東郭衆犬俱獵圍缺不成無所能獲

屯 作室山根人以為安一夕崩顛敗我壺餐

蒙 疾風塵起亂我崩始強大并小先否後喜

需 潔齋沐浴思明居德哀公怯弱風氏海北

訟 土瘠庾薄培塿無相使我不樂

師 褰衣涉河澗流浹多賴遇舟子濟脫無他

比 送我季女至于蕩道齊子旦夕留連久處

小畜 三孫六子安無所苦中歲廢殆亡我所使

履 揚風偃草塵埃俱起清濁溷散忠直隱處

泰 歷險登危道遠勞疲去家自歸困涉大波

否 六藝之門仁義俱存鎡基逢時堯舜為君傷寒熱濕
下至黃泉

同人 被服文衣遊觀酒池上堂見觴喜為吾兄使我憂亡

大有 生時不利天命災至制於斧斨當夜勤苦

謙 天門開闢宇戶寥廓桎梏解脫拘囚縱釋

豫 川淵難遊水為我憂多言少實命鹿為駒道德開基

隨 君子逢時利以中疑

隨 御歲逢時與生為期枝葉盛茂君子無憂

盡 六鷁退飛為哀 欽祥陳師合戰左股夷傷遂崩不起
霸功不成

臨 雷君出裝隱 西行霖雨不止流為河江南國憂凶
觀 牙孽生齒陽倡於外左手執籥公言錫爵

噬嗑 火起土門不為我殘跳脫東西獨得生完不利出鄰
病疾憂患

賁 舉事無成不利出征言不可用象不能平
剥 老狼白驢長尾大狐前顛却躡進退遇崇

復 日入道極勞若休息班馬還師復我燕室
無妄 山林麓藪非人所處鳥獸無礼使我心苦

大畜 畜利積福日新其德高氏飲食憂不為患
頤 張羅百日鳥不得北縮頸掛翼困於窘國君子治德
獲譽受福

大過 伯虎仲熊德義淵弘使布五教陰陽順序
坎 跛躄相隨日暮牛罷陵遲後旅失利亡雌

離 羸氏違良使孟尋兵老師不已敗於齊鄉
咸 日月並居常暗且微高山崩顛丘陵為溪

恒 鳥鵲食穀張口受哺蒙恩被德長大成就柔順利貞
君臣相好

遯 雖躡復起不毀牙齒克免平復憂除無疾

大壯草木黃落歲暮無室虐政為賊大人失福
晉避凶東走反以禍口制於牙爪骨為灰土
明夷欲飛不能志苦心勞福不我來

家人羔裘豹褻東與福遇駕迎吾兄送我鸛黃
睽東耕破犁西失良妻灾害不避家貧無資
解魚陸失所烏蠅困若澤無萑蒲晉國以虛
損脫兔無蹄三步五罷南行不進後市勞苦
益行役未已新事復起姬姜勞苦不得休止
夫向日揚光火為正王消金厭兵雷車避歲陰雨不行

民定其鄉

始放銜垂轡奔馬不制棄法作奸君失其位
萃司命不游喜解我憂皇母緩帶嬰兒笑喜
升黃帝出遊駕龍乘馬東上泰山南過齊魯郡國咸喜
困既往不說憂來禍結比戶為患無所申冤
井荷蕢隱居以避亂傾終身不仕遂其潔清
革折挺春稷君不得食頭痒搔跟無益於疾
鼎植根不固華葉落去使為枯樹
震凶門生意牢戶多冤沙陀禿齒使我困窮
艮登山履谷與虎相觸謂為功曹班奴奔北脫之喜國
漸麟鳳所翔國無咎殃買市十倍復臨惠里

歸妹路險道難水過我前進往不利回車復還
豐延頸望邑忘歸我室臺榭不成永得安息
旅蒙生株瞿棘掛我鬚小人嫉妬使思不遂
巽南至隱域深潛處匿聰明閉塞與死為伍
允機餌設張計暴子良范叔不庶凶害及身
渙從騎出谷遊戲若域坂高不進利無所得
節西國疆梁為虎作狼東吞齊楚并有其王
中孚登山代輻虎在我側王孫無惧仁不見賊
小過六月睽上各欲有至後來未壯候時明旦
既濟道涉多阪牛馬蛇蠶車不利載請求不得

未濟一口三舌相妨無益群羊百牂不為威強亡馬失駒

家耗於時

解之第四十

解駕言出遊鳥聞車前更相梓滅兵馬且來回車亟還

可以無憂

乾大都之居無物不具抱布貿絲所求必得
坤膠著木連不出牢關家室相安

屯孟伯食長惧其畏王賴四蒙五抱福歸房
蒙朽輿瘦駟不任御轡君子服之談可容易
需許嫁既婚利福在身適惠生桓為我魯君

訟 入門大喜上堂見母妻子俱在兄弟饒有
師 推車上山力不能任顛蹶蹉跌傷我中心
比 鷹飛退去不食其雛禽尚如此何況人乎
小畜 福棄我走利不可得幽人利貞終無怨慝
履 夫妻反目不能正室公云子南姬言還北並后匹嫡

二政亂國

泰 陽衰伏匿陰淫為賊幸賴王孫遂至家國
否 入水求玉不見和璞終日至暮勞無所得
同人 鳴鸞四牡駕出行符合格有獲獻公飲酒
大有 覆手齊犢易為功力正月元日承平致福

謙 三火起明雨滅其光高位疾顛驕恣誅傷
豫 衰糗荷糧與利相逢高飛有得君子履福
隨 水土相得萬物蕃殖膏澤優渥君子有得
蠱 道理和得人不相賊君子往之樂有利福
臨 天孫帝子與日月處光榮於世福祿繁祉
觀 卸衣在位乘非其器折足覆餗毀傷我玉
噬嗑 鷄飛中退舉事不遂且守仁德猶恐失墜
賁 經束聖冠意盈不厭桀紂迷惑詭佞傷賢使國亂傾
剝 申酉退跌陰雨前作柯條花枝復泥不白
復 平正賤使至服苦事

無妄釣魴河湄水泛無涯振衣徒歸上下昏迷厲公經齊
大畜胎養萌生始見兆形遭逢雷電摧角折頸米畜山頭
終安不傾

頤陽春枯槁夏多水潦霜雹具作傷我禾黍年歲困苦

大過三耳六齒痛疾不已齟病蠹鐵墮落其宅

坎失時無反嘉偶出走累如喪狗

離宣重徵民歲樂年豐害國無咎君子安喜

咸登几上車駕駟南遊合散從橫燕秦以強

恒鳥集茂木心樂願得烏鵲食穀張口受哺柔順利貞

感戴惡母

遯啓蟄始生萬物美榮福祉未成市買無贏

大壯驕胡火形造惡作凶無所能成還自滅身一作草末
賈彙歲云

暮矣虞九高
城大人失福

晉異國他土出良駿馬去如奔畜害不能傷一作避亡東
走及人禍福

明夷恪敬競職心不作慝君明臣忠民賴其福

家人三女求夫伺候山隅不見復閑長思憂嘆

睽駕福乘喜東至嘉國戴慶南行離家室居

蹇四姦為殘齊魯道難前驅執後戒守無患

損下憂上煩蠹政為患歲饑無年

益雞雉失雛常畏狐狸黃池要盟越國以昌

夫 堅冰黃鳥常哀悲愁不見米粒但觀蓬蒿數驚蟄鳥
為我心憂

始 五銳鐵頤倉庫空虛市賈為盈與我為仇元本有時不我與亡

萃 竊名盜值居非其家霜隕不實為陰所賊三年失室

升 賊仁湯德天怒不福斬刈家社失其本城

井 萬物和生蟄虫振起益爵增福日受其喜
和氣所生物皆不朽聖賢居位國無凶咎

鼎 龍游鳳舞歲樂民喜

鼎 鼎行窘步次伯方舍居安不懼姬妻何憂

震 水深難遊霜寒難涉商伯失利旅人稽留

艮 跛倚相隨日暮牛罷陵原徙傷失利亡雌

漸 一牛九鎖更相牽繫案明如市不得東西請讞得報

日中被刑

歸妹 春桃生花季女宜家受福孔多男為邦君

豐 雷鼓東行稼穡凋傷大夫執政君贊其明

旅 季世君憂亂國淫游殃禍立至民與以休

巽 發輓溫陽過雨宿房宜時布和無所不通

兌 水中大賈求利十千商人不至市空無有

渙 春草萌生萬物敷榮陰陽和暢國樂無憂

節 左眇右盲目視不明下民多孽君失其常
中享 悅以內安不利出門憂禍消除公孤何尤
小過 冊書之信言不負語易我驕驥君子有德
既濟 上政搖擾虫螟並起害我嘉穀季歲無稷
未濟 干旄旌旗執在載郊雖有寶玉無路致之

損之第四十一

損 路多枳棘步刺我足不利旅客為心作毒
乾 鯉鮪鮒鮓積福多魚資所無有富我窮家
坤 景星照堂麟遊鳳翔仁施大行頌聲作具仁序無明
失其寵光豫之

屯 羊腸九滌相推梢前止須王孫迺能至天
蒙 四手六身莫失所國更相訪接動夫事便
需 水流趨下遠至東來求我所有買鱸與鯉益之無妄
訟 春粟夏棗山鮮布有十千萬石貴不可賤否之漸
師 旦往暮還相佑與聚無有凶患
比 大蛇當路使季畏懼湯火之灾功直我膚賴其天幸
歸于室廬屯之井
小畜 徒足去城亂入陳國有所畏避深藏遠匿
履 海為水宗聰明且聖百流歸得無有叛逆常饒優足
泰 夏麥凝麴霜擊手其芒疾君敗國使年大傷泰之賁

否 秋準冬翔數被履霜雄犬夜鳴家憂不寧
同人 樂仁上德東鄰慕梁來安吾國
大有 還憂除殃汚泥上義下田為江
謙 暗昧冥語傳相註誤鬼魅所居誰知卧處
豫 南歷玉山東入玉関登上福堂飲萬歲漿
隨 比目四翼來安我國福善上堂與我同牀
蠱 乘牛騎驥日暮不至路宿多畏亡其驛駐
臨 元吉無咎安寧不殆
觀 奮翅鼓翼翱翔外國道遠徙倚來歸温室
噬嗑 河伯娶婦東山氏女新婚三日浮雲洒雨露我管第

萬邦蒙祐

賁 嬰兒求乳慈母歸子黃虜悅喜得其甘飽
剝 貧鬼守門日破我盆毀罌傷瓶空虛無子
復 名載重負損棄於野手無誰子但自勞苦
無妄 雄狐綏綏登山崔嵬招告顯功大福允興
大畜 嬰兒駭笑未有所識狡童而爭亂我政事
頤 十九同投為雉所維獨得逃脫完全不虧
大過 狐濟濡尾來揭得枳李姜懷悔鮑舍魚屍
坎 跋足息肩所忌不難金城銅郭以鍊為関藩屏固衛
安全無患

離 戴堯扶禹松喬彭祖西過王母道路夷易

詒之家

咸 京庾積聚黍稷以極行者疾至可以厭飽

恒 良天堯姬負理登臺樂季不扶衛輒走逃

遯 天之所予福祿常在不憂危殆

大壯 行觸天綱馬死車傷身無家賴困窮乏糧

晉 鉛刀切玉堅不可得盡我筋力胠胙為疾

明夷 穆逢百里使孟奮武將軍師戰敗於穀口

家人 有人追亡為言所匿不日而得

睽 府藏之富王以振貸捕魚河海罟網多得

蹇 鴻飛遵陸公歸不復伯氏客宿

解 鳧過稻盧甘藥麩麩雖驚不去田畯懷憂

益 雨師娶婦黃岩季子成禮既婚相呼而南膏澤應時

年豐大喜

夬 蓄積有餘糞上不居美哉輪奐出有高車

姤 重門擊柝介士守護終有他道雖驚不懼

萃 大都王市稠人多寶公孫宜賈資債萬倍

升 秋準冬翔數被嚴霜甲兵庭堂萬物不生

困 招禍致凶來螫我卯痛在手足不得安息

井 秦失其鹿高足先得勇夫慕義君子率服

羊 山陵四塞過我逕路欲前不得復還故處

鼎 一指食肉口無所得舌喚於腹

震 晨夜驚駭不知所止皇母相佑卒得安處

艮 擒狼所言語無成全設我白馬使乾口來

漸 呼精靈來鬼生無憂病疾瘳愈解我患愁

歸妹 牧羊逐兔使魚捕鼠任非其人卒歲無功不免辛苦

豐 堂祥上棲輿福俱居帝姬治好國安無憂

旅 禹召諸神會稽南山執玉萬國天下康安

巽 大姁文母仍生聖子昌發受命為天下主

兌 兩置同室免無誰告與狂相觸蒙我與惡

渙 桃雀竊脂巢於小枝動搖不安為風所吹心寒悚惕

當憂殆危

節 陽春長日萬物華實樂有利福一作陽春盛長萬物或實福利所鍾忻忻

日過

中孚 鄰不顧我而望玉女身疾瘡癩誰肯媚者

小過 涸旱不雨澤竭無流魚鼈乾口皇天不憂

既濟 狼虎之鄉日爭凶訟受性貪饕不能容縱

亦病心腹

益之第四十二

益 文王四乳仁愛篤厚子畜十男無有大折
乾 下堂出門東西九山逢福值喜得其安閑
坤 域上有鳥自鳴破家招呼醜毒為國災患
屯 伯虎仲熊德義淵弘使布五穀陰陽順序
蒙 飲酒醉卦跳起爭鬪伯傷仲僵東家治喪
需 四目相視稍近同執日映之後見吾伯夷
訟 隨時逐便不失利門靈獲得福富於封君
師 隴西冀北多見駿馬去如疾颯害不能傷
比 白龍黑虎起伏俱怒期戰盤空蚩尤敗走死於魚首
同之比
蒙之次

小畜 鴻飛戾天遂害紫淵雖有鋒門不能危身
履 平國不均夏氏作亂烏號竊發靈公隕命
泰 江漢上道政逆民憂陰伐其陽雄者受殃
否 東家殺猪聞臭腥臊神怒不顧命絕衰國宅社火燒
宋公夷誅
同人 西誅不服恃強負力倍道趨敵師走敗覆
大有 一婦六夫擾亂不治張王季莊莫適為公政道塞壅周君失邦
謙 配合相迎利之四潰昏以為期明星煌煌欣喜與懌
所言得當
豫 張墜高木不踈手足掘金懷玉還歸其室
蒙之隨訟之
艮否之臨

隨 卷領遁世仁德不害三聖攸同周國茂興震之

盡 去危脫厄安無怵惕上福喜堂見我喜悅

臨 帶季兒良時利權兵將帥合戰敵不能當趙魏以強

觀 鵠思其雄欲隨鳳東順理兩翼出自日中須留北邑

復反其室

噬嗑 且如驚鹿不能定足室家分散各走鼠匿且疑作悞

賁 甲乙丙丁俱歸我庭三丑六子入門見母

剝 躡華顛觀浮雲風不搖雨不薄心安吉患無咎

復 德施流行利之四鄉兩師洒道風伯逐殃巡狩封禪

以告成功

無妄 水流趨下遂成東海求我所有買鱸與鯉損之需

大畜 和氣相薄膏潤津澤生我嘉穀

頤 憂驚以際禍不成災安全以來

大過 堅冰黃鳥常哀悲愁不見其粒但覩藜蒿數驚鷲鷩鳥

為我心憂

坎 翁匕輻匕實墜崩顛滅其病身命不全

離 因禍受福喜盈其身

咸 陸居千里不見河海無有魚市

恒 鹿得美草嗚呼可友九族和睦不憂饑乏益之恒同人之蹇

遯 出門得堂不逢禍殃入戶自若不見矛戟

大壯 累尊重席命我家客福祐久長不見咎殃
晉 鴻雁俱飛北就魚池鱸膾鮓鯉衆鳥饒有一鳴獲兩

得之過倍

明夷 當風奮翼與鳥飛北入我家國見吾慶室
家人 麒麟鳳凰善政得祥陰陽和調國無災殃
睽 逐狐東山水過我前深不可涉失其後便
蹇 丑戌亥子饑饉所生陰為暴客水絕我食
解 狐狸雉兔畏我逃去分走竄匿不知處所
損 桀跖惡人使得不通災旱為殃年穀不傷
夫 兔乳入室行來雀食虎櫻我子長號不已

姤

上階明堂禮讓益興雄雌相得使我無疾疾一反

萃

送金出門弁失玉兔徃來井上破甕壞盆盆一作

升

諷德誦功美周盛隆加其旦輔夫濟冲人夫疑一作大

困

盜竊滅身二母不親王后無黨毀其室靈

井

六月駭七名欲有至專正未裝俟侍明旦

革

雀行求粒誤入網罟賴仁君子復說歸室

鼎

仁德孔明患禍不傷期誓不至室人街恤

震

龜厭江海陸行不止自令枯槁失其都市憂悔咎生

艮

孤獨特處莫依為輔正心允濟神勞志苦

漸

伯仲言留叔子云去誰云旣咎主母大喜

歸妹 初憂不安後得笑懼雖懼無患

豐 好戰亡國師不以律補上殞墜齊侯狼戾被其災崇

旅 鹿生澤陂豺傷其麋淬血獨哀

巽 天地鈐塞仁智隱伏商旅不行利潤難得

兌 福德之士歡悅日喜夷吾相桓三歸為臣賞流子孫

渙 上無飛鳥下無走獸擾亂未治民勞於事

節 月削日衰工夫下機宇宙滅明不見三光 豫之

中孚 戴盆望天不見星辰顧小失大福逃墻外

小過 握斗運樞順天無憂所行造德與樂並居

既濟 操戟刺魚彼髮立憂虎脫我與狼取我袍亡馬失財

未濟 兩人俱醉相與悖戾心乖不同爭訟徇徇

夬 戴堯扶禹松喬彭祖西過王母道路夷易無敢難者

乾 狼戾美謀無言不殃尤厭帝心悅以獲祐

坤 歲暮花落陽入陰室萬物伏匿絕不可得

屯 雞鳴失時君騷於憂犬吠不休行者稽留

蒙 鳧鷖遊涇君子以寧履任不愆福祿未成

需 薄為蕃皮勁風吹却欲上不得復歸其宅

訟 東行破車步入危家衙門墜倒無以為主賣袍續食

糟糠不飽

師 青牛白咽呼我俱田歷山之下可以多耕歲精之節
民人安寧

比 異國殊俗情不相得金木為仇百賊擅殺

小畜 陰陽精液高熟脫折治印成鬼摩生頭目日有大吉

履 飢虫作害多乱纏綿不可得秋

泰 清冷如雲為兵導先民人寬急不知東西

否 班馬旋師以息勞疲役夫嘉喜入戶見妻

同人 坐羊立訟紛七訟七卒成福亂靈反家公

大有 鹿食美草道遠求飽趨走山間過期乃還肥澤且厭

謙 田鼠野雉意尚欲去拘制籠檻不得動搖

豫 日趨月步周遍次舍歷險致遠無有難處

隨 天孫帝子與日月處光榮於世福祿祺祉

蠱 晨風文翰大舉就温時過我邑界無所得

臨 旦生夕死名曰嬰鬼不可潛視

觀 疾貧望幸使伯南販開牢擇年多得大祥

噬嗑 長城驪山生民大殘涉井荼難唐叔為患

賁 娶於姜吕駕近新婦少齊在門天子欢喜

剝 隨時草木藿時葉起扶踈條挑長大盛美華液鏗踈

復 姬姜悅欢二姓為婚霜降合好西施在前


無妄 戴笠獨宿晝不見日勤勞無妄長勞心思

大畜 始加元服二十繫室新婚既樂伯季有德
 頤 二至靈臺文所土遊雲物備具長樂無憂
 大過 夕陰霖雨塗行泥潦商人休止市空無有
 坎 城壞厭境數為齊病侵伐不休君臣擾憂上下屈竭
 士民之財
 離 南國盛茂黍稷醴酒可以饗養樂我嘉祐
 咸 憂在心腹內崩為疾禍起蕭牆意如剗國
 恒 朽根則樹花葉落去卒逢大焱隨風僵仆
 遯 樹表為壇相與咲言于中不會寵榮棄後
 大壯 四足俱走駕疲任後兩戰不勝敗於東焚

晉 執轡在朝回還故處麥秀傷心叔父無憂
 明夷 夜長日短陰為陽賊萬物空枯藏於北陸
 家人 鳴鳩七子均而不殆長大成就棄合於好
 睽 三羊上山馳至大原黃龍負舟逐到夷陽宛其玉囊
 蹇 首足易處頭尾顛倒公為雌姬亂其蠶織
 解 登高望家役事未休王事靡盬不得道遠
 損 畏昏不行候旦待明燎禍受福老賴其慶
 益 孤獨時處莫依無輔心勞致苦
 姤 山石朽破消崩墜墮上下離心君受其崇
 萃 文母聖子無疆壽考為天下主

升 倨傀如儀前後相違言如鯨咳語不可知
 困 五龍俱起強者敗走露我苗稼年歲大有
 井 雷除善猛雖為功醫驥疲益車出於銜筮
 羊 江南多蝮螫我手足寃煩詰屈痛徹心腹
 鼎 心無可據射鹿不得多言少實語無成事
 震 君明臣賢鳴求其友顯德之政可以履土
 良 安士宜官一日九遷踰越群等收養常山
 漸 保辭解謝除去垢活驚之成患屢去酷殘活疑作汚
 歸妹 不狂姬盲相牽北行欲歸高邑迷惑公得
 豐 醉卧道傍迷且失明不合我生不又無矣

旅 北登鬼立駕龍東遊王母御后文武何憂
 巽 恬淡無患遊戲道門與神來往長出以安
 兌 以緡易絲袍布自媒棄禮怠情卒懽悔憂
 渙 被服衣冠遊戲道門以礼相終身無災患
 節 天麓魚地陸為海涯君子失行小人相携
 中孚 淵泉溢出為邑之崇道路不通孩子心憤
 小過 十里望煙散渙四分形體滅亡可入深淵終不見君
 既濟 傳言相談非好經路鳴鼓逐浪不知迹處
 未濟 東失大珠西行棄襦時多不利使我後起



Faint vertical text in seal script, likely bleed-through from the reverse side of the page. The characters are difficult to decipher due to fading.

